

四庫全書

子部

欽定四庫全書

子部

證治準繩卷六十

詳校官太醫院恩糧臣孔毓秀

編修臣倉聖脈覆勘

總校官進士臣朱鈴

校對官中書臣宋枋遠

謄錄監生臣宋上林

欽定四庫全書

證治準繩卷六

女科

雜證門

頭目眩暈

大婦人頭眩由氣虛風入于腦循脈引于目系目系急而然也邪甚則必癰素問云頭痛癰疾下虛上實過在

明  
王肯堂  
撰

足少陰巨陽甚則入腎徇蒙招搖目眩耳聾下實上虛  
過在足少陽厥陰甚則在肝下虛者腎虛也故腎厥則  
頭痛上虛者肝虛也故肝虛則暈徇蒙者如以物蒙其  
首招搖不定目眩耳聾皆暈之狀故肝厥頭痛不同也  
薛丹溪先生云眩者言其黑運旋轉其狀目閉眼暗身  
轉耳聾如立舟船之上起則欲倒蓋虛極乘寒得之亦  
不可一途而取軌也若風則有汗寒則掣痛暑則熱悶  
濕則重滯此四氣乘虛而眩暈也若鬱結生痰而眩暈



者此七情虛火上逆也若淫慾過度而眩暈者此腎虛

氣不歸源也若吐衄漏崩而眩暈者此肝虛不能攝血

也有早起眩暈須臾自定者元氣虛也正元飲雜病自汗下

黑錫丹

雜病頭痛

傷濕頭暈用腎著湯

雜病傷濕

加川芎有痰用

青州白丸子

雜病中風

頭風風熱也久則目昏偏頭風相火

也久則目緊便澀皆宜出血以開表之竊謂前證肝虛

頭暈用鉤藤散腎虛頭暈六味丸

雜病虛勞

頭暈吐痰養正

丹不應八味丸

雜病虛勞

血虛四物參苓白朮不應當歸補

血湯

雜病  
勞倦

氣虛四君歸芪不應補中益氣湯

雜病  
勞倦

肝木

實瀉青丸

雜病  
頭痛

虛用地黃丸

雜病  
虛勞

不應川芎散脾氣虛

二陳參朮柴胡升麻不應益氣湯加茯苓半夏脾胃有

痰半夏白朮天麻湯風痰上涌四神散發熱惡寒八物

湯

雜病  
虛勞

七情氣逆四七湯傷濕而暈除濕湯

雜病  
中濕

一

婦人頭暈不時而作月經遲而少此中氣虛弱不能上

升而頭暈不能下化而經少用補中益氣湯而愈後因

勞仆地月經如涌此勞傷火動用前湯加五味子一劑

而愈前證雖云氣無所附實因脾胃虧損耳 一婦人  
內熱口乾勞則頭暈吐痰帶下詳下嘈雜門

養正丹 治虛風頭眩吐涎不已蓋此藥升降陰陽補  
接真氣非止頭眩而已

黑鉛 水銀 硫黃 硃砂

研各一兩

右用建瓟一隻火上鎔鉛成汁次下水銀用柳杖子  
打停取下歇少時入二味打停候冷取下研為粉以  
糯米軟飯丸如菜豆大每服三十九棗湯吞下空心

食前日二服

釣藤散

本

治肝厥頭暈清頭目

釣藤

陳皮

去白

半夏

湯洗七次切片子

麥門冬

去心

茯苓

去皮

茯神

去木

人參

去蘆

甘菊花

防風

去蘆各半兩

甘草

二錢半炙

石膏

一兩

右吹咀每服四錢水一盞半生薑七片煎至一盞去

滓熱服日進二服

獨活散 治婦人風眩頭痛嘔逆身體時痛情思昏悶

獨活

一兩

白朮

去蘆

防風

去蘆

細辛

去苗

人參

去蘆

芍藥

各半

荆

芥

錢各七半

半夏

湯洗七次切片子

炙甘草

赤芍藥

各半

石

膏

二兩

右咬咀每服八錢水一中盞半生薑七片薄荷七葉煎至一大盞去滓溫服不拘時

川芎散 治風眩頭暈

川芎

山藥

白茯苓

去木

甘菊花

野菊不用

人參

各半

兩去

山茱萸肉

一兩

右為細末每服二錢溫酒二錢不拘時候日進三服  
四神散 治婦人血風眩暈頭痛

菊花

當歸

去蘆

旋覆花

荊芥穗

各等分

右為細末每服二錢水一盞葱白三寸茶末一錢煎  
至七分通口服良久去枕仰臥少時

斗門方 治血風頭旋或不知人事用喝起草嫩心陰  
乾為末酒服二錢其功甚效即前蒼耳散

治頭旋如天動地轉名曰心眩膽礬一兩細研用麴餅

劑一箇拌勻勒如骰子大瓦上焙乾每服一骰為末  
燈心竹茹煎湯調下此去痰之法當審而用之

頭痛

薛東垣云足太陽頭痛脈浮緊惡風寒川芎羌活獨活  
麻黃為主手少陽經頭痛脈弦細往來寒熱柴胡為主

足陽明頭痛身熱目疼鼻乾惡寒發熱脈浮緩而長升

麻湯

升麻  
葛根

或石膏白芷為主手太陰頭痛有痰體重或

腹痛為痰癖脈沈緩蒼朮半夏南星為主足少陰經頭

痛足寒氣逆為寒厥脈沈細麻黃附子細辛湯

傷寒太陽

為

主足厥陰頭項痛或吐涎沫厥冷脈浮緩吳茱萸湯

傷寒

吐主之諸血虛頭痛當歸川芎為主諸氣虛頭痛人參

黃芪為主氣血俱虛頭痛調中益氣湯

雜病勞倦

少加川芎

蔓荊細辛痰厥頭痛半夏白朮天麻湯

雜病眩暈

厥逆頭痛

羌活附子湯

雜病頭痛

如濕氣在頭者以苦吐之不可執方

而治若脈雜亂而病見不一且補胃為主一婦人因

勞耳鳴頭痛體倦用補中益氣加麥門五味而痊三年



後得子因飲食勞倦前證益甚月經不調晡熱內熱自汗盜汗用六味地黃丸補中益氣湯頓愈經云頭痛耳鳴九竅不利腸胃之所生也故脾胃一虛耳目九竅皆為之病 一婦人兩眉稜痛後及太陽面青善怒此肝經風熱之證用選奇湯

雜病頭痛

合逍遙散

調經

加山梔天麻

黃芪半夏黃芩而愈此證失治多致傷目或兩耳出膿則危矣

旋覆花湯 許叔微云婦人患頭風者十居其半每發

必掉眩如在車船上蓋因血虛肝有風邪襲之爾予  
嘗處旋覆花湯此方修合服之比他藥甚效

川芎

當歸

去蘆

羌活

去蘆

旋覆花

細辛

去苗

蔓荊子

防風

去蘆

石膏

薑本

去蘆

荊芥穗

半夏麴

乾地

黃

甘草

炙各本兩

右咬咀每服五錢水一盞半生薑五片煎至七分去  
滓溫服日進二服

七生丸 治男子婦人八般頭風及一切頭痛痰厥氣

厥飲厥傷寒傷風頭痛不可忍者並皆治之

川烏頭 草烏頭 天南星

三味並生去皮

半夏

冷水洗去滑

川芎 白芷 石膏

並生用各等分

右為細末研韭菜自然汁丸如梧桐子大每服七丸

加至十九丸嚼生葱茶送下食後日進二服

陳嘗治鄭安人頭痛

如破諸藥無效加北細辛等分全蠲減半為丸服二十粒即愈

藥隱老人云若頭痛連齒時發時止連年不已此由風寒中于骨髓留而不去腦為髓海故頭痛齒亦痛謂之

厥逆頭痛宜白附子散灸曲鬢穴此穴在耳上將耳掩前正尖上可灸七壯左痛灸左右痛灸右

白附子散

白附子

炮一兩

烏頭

炮去皮臍

天南星

炮

麻黃

不去根節各半兩

乾薑

炮

辰砂

研各二錢半

全蝎

炒五枚

麝香

另研一字

右為細末每服一錢溫酒調下不拘時候

治頭風痛不可忍

硝石 人中白 腦子

各等分

右研令極細每用一字搐入鼻中

川芎茶調散 治諸風上攻頭目昏重偏正頭痛

薄荷

八兩

川芎

荆芥

各四兩

羌活

白芷

防風

甘草

炙各二兩

細辛

一兩

右為末每服二錢食後茶清調下

如聖餅子

和劑

治男婦氣厥上盛下虛痰飲風寒伏留陽

經偏正頭疼痛連腦顛吐逆惡心目瞋耳聾常服清  
頭目消風化痰暖胃

防風

生半夏

天麻

各半兩

天南星

洗

川烏

去皮

乾薑

各一兩

川芎

甘草

炙各二兩

為細末湯浸蒸餅和丸芡實大捻作餅子日乾每服五餅同荊芥穗三五莖細嚼茶酒湯任下無時

若頭痛筋攣骨重少氣噦噫腹滿時驚不嗜臥欬嗽煩冤其脈舉之則弦按之石堅由腎氣不足而內著其氣逆而上行謂之腎厥頭痛宜玉真丸與硫黃丸

玉真丸

硫黃

研三兩

硝石

研二分

石膏

研煨

半夏

湯洗為末各一兩

右研令停勻生薑自然汁打糊丸如梧子大生薑湯下三十丸 一方無半夏有天南星

硫黃丸 治頭痛不可忍或頭風年深暴患無所不治服此除根

硝石

一兩

硫黃

二兩

右研令極細滴水丸如指頭大空心蠟茶清嚼下一丸百一方云中暑者以冰水服之下咽即洒然治傷

冷以艾湯下

裕陵傳王荊公偏頭疼方云是禁中秘方用生蘆葦汁  
蜆殼仰臥注鼻中左痛注左右痛注右或兩鼻皆注亦  
可數十年患皆一注而愈

心痛

大夫婦人血氣心痛者由臟腑虛血氣不調風冷邪氣  
乘于心也其痛發有死者有死者成證者心為諸臟  
之主而主于神其正經不可傷傷之而痛者名為真心



痛朝發夕死夕發旦死心之支別絡為風冷所乘而痛者故痛發乍輕乍甚而成證者也 薛前證若寒邪所傷溫散之飲食停滯消導之肝火妄動辛平之脾氣鬱結和解之仍與後六證方藥同用 一婦人久患心痛飲食少思諸藥到口即吐予以為脾土虛弱用白朮一味同黃土炒去土每服一兩以米泔煎濃徐服少許數日後自能大飲用三斤餘而安 上舍陳履學長子室素怯弱產後患疥瘡年餘不愈因執喪旬月每欲眩仆

一日感氣忽患心脾高腫作疼手不可按而嘔吐不止  
六脈微細或見其形實誤認諸痛不可補氣乃用青皮  
木香五味吳茱萸等藥而愈繼復患瘧且墮胎又投理  
氣行血之藥病雖去元氣轉脫再投參芪補劑不應矣  
六脈如絲欲絕迎予至診之曰形雖實而脈虛極反用  
理氣之劑損其真氣故也連投參芪歸朮附子薑桂二  
劑間用八味丸五日寢食漸甘六脈全復此證若心脾  
疼痛時即服此等藥瘧亦不作矣

大烏藥散 治婦人血氣攻心疼痛發歇不定

烏藥 義茂 桂心 當桂炒 桃仁 青皮 木

香 各等分

為末每服二錢熱酒調下

阿魏丸 治婦人血氣攻心疼痛及一切積冷氣

當歸 桂心 青皮 附子炮 阿魏麩裹煨以  
題熟為度 白

木 川芎各一  
兩 吳茱萸炮 木香 乾薑各三  
分 檳榔

肉豆蔻煨 延胡索 義茂各一  
兩 硃砂細研  
半兩

右為末先以醋一升煎阿魏成膏和藥末搗三百杵  
丸如梧桐子大每服二拾丸食前熱酒下

鷄舌香散 治男子婦人九種心痛一切冷氣

良薑

劉細麻  
油炒

桂心

赤芍藥

各等  
分

右為細末每服二錢水一盞入鹽木瓜三片同煎七  
分溫服鹽湯點亦可血氣疝瘕痛用熟醋湯調下忌  
生冷

應痛散 治心脾痛不可忍者婦人脾血氣作心脾痛

尤效前方同只無桂心用醋煎醋湯點亦可 乙丑  
年春初次女年十五經脈未行初一日心痛如刺吐  
飲不止脈沈緩弦細以蘇合香丸神保丸沈香丸理  
中丸訶子散七氣湯皆無效余思之此證非蟲即飲  
作疾非局方九痛丸則不可遂合與服一二丸即愈矣  
陳氏二神丸 治婦人血氣不和作痛不止及下血無  
時月水不調

真蒲黃

炒 單撥

炒 鹽

右等分為細末煉蜜丸如梧子大每服三十九空心溫酒下如不能飲米飲吞下兩服即止

陳日華抽刀散 治婦人血風血氣等疾武興戎司機宜侯愷云見一道人用此方療病不一而足遂以為獻真是奇妙

五靈脂

炒一兩

莪茂

桂心

芸薹子

炒各半兩

右為末每服二大錢酒半盞水半盞煎至八分疾作熱服

失笑散

見產後心痛

訶子散

見霍亂

亦妙

靈苑方

治婦人卒血氣心痛只用生五靈脂為細末

每服一錢酒一盞煎沸熱服

局方四七湯加良薑又沈香降氣湯分心氣飲皆治心

痛良

三方並見雜病諸氣

心腹痛

大婦人血氣心腹疼痛由臟腑虛弱風邪乘于其間與

真氣相擊而痛其痛隨氣上下或上衝于心或下攻于腹故云血氣攻心腹痛也 薛前證若氣滯血瘀用沒

藥散勞傷元氣用補中益氣湯

雜病傷勞倦

肝脾鬱結用四

七湯

雜病氣

怒動肝火用小柴胡湯

熱入血室

肝脾血虛用四

物湯

通治

脾肺氣虛用四君子湯

雜病虛勞

中氣虛弱用補中

益氣湯氣血俱虛用八珍湯

即雜病虛勞八物湯

一婦人每怒

心腹作痛久而不愈此肝火傷脾氣也用炒山梔一兩生薑五片煎服而痛止更以二陳加山梔桔梗乃不再



發一婦人懷抱鬱結不時心腹作痛諸藥不應用歸

脾湯

雜病  
健忘

倍加炒山梔而愈 陳湖陸小村母久患心

腹疼痛每作必胃滿嘔吐手足俱冷面赤唇麻咽乾舌

燥寒熱不時月餘竟夕不安其脈洪大衆以痰火治之

屢止屢作迨乙巳春發頻而甚仍用前藥反劇此寒涼

損真之故內真寒而外假熱也且脈息洪強而有怪狀

乃脾氣虧損肝木乘之而然當溫補胃氣遂用補中益

氣湯加半夏茯苓吳茱萸木香一服熟寐徹曉洪脈頓

斂怪脈頓除諸證釋然

三神丸 治室女血氣腹中刺痛痛引心端經行澀少

或月水不調以致疼痛

橘皮

二兩 焙

當歸

酒浸 炒

延胡索

醋煮各 一兩

右為細末煉蜜和丸如梧桐子大每服五十丸空心

溫酒送下

沒藥散 治一切血氣臍腹撮痛及產後惡露不下兒

枕塊痛

沒藥 血竭 桂心 延胡索 當歸 蒲黃

紅花

乾漆

炒烟  
盡

木香

芍藥

各等  
分

右為細末每服二錢食前溫酒調下

大延胡索散 治婦人血氣攻心腹疼痛

延胡索

當歸

川芎

桂心

各七  
錢半

木香

枳殼

赤芍藥

桃仁

各半  
兩

熟地黃

一  
兩

右咬咀每服三錢水一盞薑三片煎至七分去滓熱

服

琥珀散 治婦人血氣攻心腹煩躁悶亂疼痛不止

琥珀

另研

沒藥

另研

當歸

炒

赤芍藥

牡丹皮

延胡

索

蒲黃

義茂

桂心

各等分

右為末每服一錢溫酒調下

瑞金散 治婦人血氣撮痛月經不行預先嘔吐疼痛

延胡索

牡丹皮

紅花

各一錢

片薑黃

二錢半

赤芍

藥

義茂

川芎

當歸

各一錢半

官桂

二錢半

作一服水一鍾酒一鍾同煎至一鍾食前服

牡丹散 治婦人久虛羸瘦血塊走注心腹疼痛不思

飲食

牡丹皮 延胡索 官桂 各一錢 京三稜 當歸 各一

半錢 莪朮 赤芍藥 牛膝 各二錢

右煎服法同前

八僊散 治血氣心腹疼痛立驗

當歸 厚朴 芍藥 枳殼 製 人參 各四分 甘草

茯苓 各五分 肉豆蔻 二分

右為末水二升煮取八合空心分三服

又八僊散

靈苑

治證同前

棕櫚

二兩

當歸

一兩並剉碎一處燒成炭細研

麝香

一錢細研

右同研令停每服一錢溫酒調下

延胡索湯

治婦人室女七情所感血與氣併心腹疼

痛或連腰脇甚作搐搦一切血氣經候不調並宜服

之

延胡索

蒲黃

赤芍藥

片薑黃

當歸

去蘆各一

錢半

乳香

木香

不見火

官桂

不見火

沒藥

各一錢

甘草

半錢

右作一服水二鍾生薑三片煎至一鍾食前服

大效琥珀散

靈苑

治婦人心胸迷悶腹臍拍撮疼痛氣急

氣閉月信不調等疾

烏藥

義茂

各二兩

當歸

一兩

右並生為細末溫酒調二錢服服後以食壓之忌生冷油膩等物如是產後諸疾炒生薑酒調下

治血氣不調臍下痛

桑耳 菴蘭子 桂心 土瓜根 川芎 甘

各四分

草

二分

牛膝

赤茯苓

各五分

大黃

白芍藥

各六分

乾

地黃

八分

右為末煉蜜丸如梧桐子大醋湯吞下二十九

蠲痛散 治婦人血氣刺痛

荔枝核

燒存性  
半兩

香附子

去毛炒  
一兩

右為細末鹽湯米飲調下二錢不拘時候

沒藥散 治婦人血氣疼痛不可忍者

出博濟方



紅花

沒藥

研

延胡索

炒

當歸

各等分

右為末每服二錢童便半盞酒半盞同煎至六分熱服燒赤秤錘淬過調服亦可常服只用溫酒

菖蒲丸

治婦人脾血積氣及心脾疼

菖蒲

九節者六兩

吳茱萸

炮

香附子

炒去毛各四兩

右三味並剉細以釅醋五升煮乾為度焙乾研細末以好神麴打糊為丸如梧桐子大空心食前以淡薑湯吞下四五十丸日三服橘皮湯下亦可

手拈散 治血氣心腹疼痛

草果 延胡索 五靈脂 沒藥

各等分

為末每二錢溫酒調服

木香枳朮丸 破滯氣消飲食開胃進食消化痰涎

木香 枳實

炒各一兩

白朮

二兩

右每服五錢薑棗水煎服

木香化滯湯 治脾胃虛弱飲食停滯腹脹作痛或心

下痞滿不思飲食若憂怒飲食而致者尤宜用之

木香

紅花

各三錢

橘皮

當歸尾

枳實

炒各二錢

柴

胡

四錢

草豆蔻

甘草

炙各半兩

半夏

一兩

右每服三五錢薑水煎服

小腹痛

大婦人小腹痛者此由胞絡之間風有風冷搏于血

氣停結小腹因風虛發動與血相擊故痛也 薛前證

若氣寒血結用威靈仙散氣滯血凝用當歸散肝經血

虛用四物湯

治通

加參朮柴胡肝經濕熱用龍膽瀉肝湯

淋雜病

肝脾氣虛用六君子湯

雜病  
虛勞

加柴胡芍藥肝脾虛

寒用六君子加柴胡肉桂若蕪嘔吐加木香四肢逆冷

再加炮薑

通府張孟威云其妹小腹痛服附子理中

湯附子服過八十餘枚此乃沈寒痼冷之甚不多有者

大威靈散

治婦人久冷氣滯血刺小腹疼痛

威靈仙

一兩

當歸

沒藥

木香

桂心

各半兩

右為細末無時熱酒調下一錢服忌茶

當歸散

治婦人久積血氣疔刺小腹疼痛四肢無力

不能飲食

當歸

炒

赤芍藥

劉寄奴

沒藥

枳殼

延胡

索

各等分

右為細末熱酒調下一錢無時候

追氣丸

室范

治婦人血刺小腹痛不可忍

芸薹子

微炒

桂心

各一兩

良薑

半兩

為細末醋糊丸如梧桐子大每服五丸不拘時淡醋湯下常服補血虛破氣塊甚有效

石灰散 治婦人血氣痛不可忍者

陳五  
婆方

右取豬貼脊血半盞于湯上煖用杖子攪停後用石灰于火上燒令黃為末羅過灰一錢同血攪停放溫服立愈

予嘗用紫金皮為細末醋糊丸如櫻桃大又治婦人血氣小腹疼痛以溫酒磨下一丸及有心腹痛者亦良  
吳茱萸湯 治婦人素虛又為風冷乘氣停滯腹脇刺痛

吳茱萸

湯洗

當歸

去蘆各二錢

桔梗

去蘆

細辛

去苗

防風

去蘆

乾

薑

炮各一錢

熟地黃

二錢半

甘草

炙半錢

右作一服水二鍾煎至一鍾空心服

椒紅丸 治婦人血氣不調臟腑積冷臍腹痛肌體

日瘦

椒紅

沈香

當歸

去蘆

訶梨勒

煨去核

蓬朮

附子

炮去

白朮

各一兩

肉豆蔻

良薑

丁香

各半兩

麝香

另研二

錢半

右為細末煉蜜和丸如梧桐子大每服三十九空心  
用溫酒送下

大腹皮飲 治婦人血癖單腹痛

大腹皮 防已 木通 桑白皮 厚朴 瓜蒌

黃芪 陳皮 枳殼 大黃 青皮 五味

子  
半錢

右作一服水二鍾煎至一鍾入酒半盞再煎一二分

溫服



項筋強痛

陳良甫云婦人項筋拘攣強痛每得此疾療之似易而實難然方冊中所載亦少縱有言之議論亦畧以予考之然既有是疾必有是方何古人言此疾證尚且畧又無的然之論詳之必是挾諸疾而生所以絕無專門予因暇日摭古名方以備檢閱然自明學識淺鄙未必全備博學之士見其遺缺尚冀補而完之 夫頸項之處乃屬足太陽膀胱之經又許太學云是足少陰腎之經

蓋腎與膀胱為表裏故也以感外邪論之則有太陽經  
先因感風又感寒濕致令外證發熱惡寒與傷寒相似  
頸項強急腰身反張如中風狀瘕瘕口噤其身體几几  
古人以強直為瘕其脈沈遲弦細新產血虛多汗出喜  
中風亦有此證詳見產後中風茲不贅錄 又有挫枕  
轉項不得者與三五七散追風散仍與急風散搽項上  
若因被風吹頭目昏眩太陽并腦俱痛項背筋脈拘  
急可與蝎附散都梁丸 許太學治項筋強痛不可轉

側以木瓜煎 薛前證若因肝木自旺用瀉青丸 頭痛

血不足六味丸 雜病虛勞 風熱淫肝加味逍遙散 經調 怒動肝

火加味小柴胡湯 熱入血室 肝經血虛加味四物湯 即四物加柴胡

丹皮山梔 腎不能生肝六味丸膀胱氣滯羌活勝濕湯 雜病腰痛

大抵肝火旺則肝血虛而筋燥頸項強急或腰背反張

或四肢攣拳或頸項等處結核 一婦人耳內或耳後

項側作痛寒熱口苦月經不調此肝膽經火兼傷脾胃

用四君加柴胡升麻黃芪芍藥而愈後因勞役怒氣嘔

吐脇脹用六君子湯加山梔柴胡而安 一婦人因怒  
寒熱作渴左目緊小頭頸動掉四肢抽搐遍身疼痛此  
血虛肝熱則生風也用加味逍遙加鈞藤鈎數劑諸證  
漸愈又用八珍而痊

追風散 治年深日近偏正頭疼又治肝臟久虛血氣  
衰弱風毒之氣上攻頭痛頭眩目暈心忪煩熱百節  
痠疼腦昏目痛鼻塞聲重項背拘急皮膚瘙癢面上  
遊風狀若蟲行及一切頭風兼療婦人血風攻注頭

目昏痛皆治之

川烏

炮去尖皮臍

防風

去蘆

石膏

煨

川芎

甘草

炙

荊芥

穗

白殭蠶

炒去絲各一兩

天南星

炮

羌活

天麻

地

龍

白附子

炮

全蝎

去尾針

白芷

各半兩

草烏頭

炮去皮臍

尖

沒藥

研

乳香

研

雄黃

研各二錢半

右為細末每服半錢入好茶少許同調食後及臨臥服常服清頭目利咽喉消風化痰

急風散

草烏頭

三兩一半燒存性于酒內煎令冷餘一半生用

丹砂

另研一兩水飛

黑豆

二錢五分同草

麝香

另研二

高一處為末

錢半

右為細末入研藥勻停酒調塗痛處

蝎附散 治一切風邪頭痛夾腦風痰涎壅盛嘔逆惡  
心口吐清水暗風旋暈眼見黑花牙關緊急口眼喎  
邪面目腫動頭項拘急肩背引疼耳癢目昏四肢麻  
木及沐浴出暴感風邪頭目昏痛兩太陽疼遠年頭  
風服諸藥無效並皆治之

全蝎

炮

雄黃

水飛

硃砂

各一錢半水飛

附子

炮去皮臍

川烏頭

炮去

皮臍

麻黃

去節

天南星

薑製

防風

去蘆

白殭蠶

炒各

藁本

去蘆

土

白芷

各半兩

右為細末每服半錢葱茶調下食後孕婦不可服

京城之醫用此藥兼嚼如聖餅子治眼羞明多淚見

物不明有效 一方用白附子蝎稍

木瓜煎

宣州木瓜

二枚切頂作蓋剝去瓤

沒藥

二兩另研

乳香

二錢半另研

右二味入木瓜中用蓋子合了竹簽定之飯上蒸三四次爛研成膏子每服三匙生地黄汁半盞無灰好酒二盞調和服之 有人患此病自午後發黃昏時定予曰此患必先從足起經言十二經絡各有筋惟足下少陰之筋自足至頭大抵筋者肝之合也日中至黃昏天之陽陽中之陰也又曰陽中之陰肺也自離至兌陰旺陽弱之時故靈寶秘法云離至乾腎氣絕而肝氣弱肝腎二臟受陰氣故發于是時予授此



方三服而愈

兩脇脹痛

大夫婦人兩脇脹痛者由臟腑虛弱氣血不調風冷之氣客于腸胃傷于胞絡之間與血氣相搏壅塞不宣邪正交爭衝擊故令兩脇脹痛也 薛東垣先生云胸脇

作痛口苦舌乾寒熱往來發嘔發吐四肢滿悶淋瀝便難腹中急痛此肝木之妄行也竊謂前證若暴怒傷血用小柴胡芎歸山梔氣虛用四物參朮柴梔若久怒傷

氣用六君芎歸山梔若氣血俱虛用六味地黃丸若經  
行腹痛寒熱晡熱或月經不調發熱痰咳少食嗜臥體  
痛用八珍柴胡丹皮若脇脹發熱口渴唾痰或小便淋  
瀝頸項結核或盜汗便血諸血失音用六味丸若兩脇  
作脹視物不明或筋脈拘急面色青小腹痛或小便不  
調用補肝散若藥用香燥之劑反傷清和之氣則血無  
所生諸證作焉丹溪先生云右脇痛用推氣散小龍薈  
九當歸龍薈九控涎丹抑青九十棗湯皆病氣元氣俱

實之劑用者審之 一婦人性急吐血發熱兩脇脹痛  
日晡益甚此怒氣傷肝氣血俱虛也朝用逍遙散倍加  
炒黑山梔黃蘗貝母桔梗麥門冬夕以歸脾湯送地黃  
丸而愈 一孀婦內熱晡熱肢體痠麻不時吐痰或用  
清氣化痰藥喉間不利白帶腹脹用行氣散血藥胸痛  
不利肢體時麻此鬱怒傷肝脾而藥益甚也予則朝用  
歸脾湯以解脾鬱生脾氣夕用加味逍遙散以清肝火  
生肝血百餘劑而愈後因怒飲食日少肢體時麻此乃

肝火侮土用補中益氣加山梔茯苓半夏而痊又飲食失調兼有怒氣肢體麻甚月經如注脈浮洪而數此脾受肝傷不能吐血而致崩肝氣虧損陰血而脈大繼用六君加芍歸炮薑而血崩止又用補中益氣加炮薑茯苓半夏而元氣復更用歸脾湯逍遙散而理而康

靈寶散 治婦人血氣攻刺痛引兩脇

丁香 木香 乳香 延胡索 當歸 白芍藥

各等分

右為細末每服二錢食前溫酒調下

草豆蔻散 治婦人脾胃虛氣攻兩脇脹痛

草豆蔻

訶子肉

各一兩

桂心

苦梗

厚朴

各三分

甘草

一分 川芎

當歸

乾薑

檳榔

各半兩

右為粗末每服四錢水一盞煎七分去滓食前熱服

菴蘭子散 治婦人臟腑虛冷宿冷氣攻兩脇脹痛坐

臥不安

菴蘭子

延胡索

桃仁

琥珀

當歸

桂心

各一兩

赤芍藥

木香

沒藥

各半兩

右為末每服二錢溫酒調下

人參紫金丸

治婦人榮衛不和心腹刺痛胸膈脹滿

不進飲食

紫金皮

蒼朮

石菖蒲

各一兩

香附子

二兩

人參

半兩

木香

三錢

右為末米糊丸如梧子大食後薑湯吞下三十丸

氣針丸

治久積風壅疎利氣滯空胸膈止刺痛

木香

青皮

去白

大黃

炮

檳榔

各一兩

黑牽牛

二兩半

生半炒

右為末煉蜜丸如梧子大溫水下三十九 鄧安人

年五十忽然氣痛投神保丸愈不二日再痛再服

神保丸六七十粒大腑不通其疾轉甚亦有要用沈

香木香薑桂芍藥而未敢投痛甚則築心築背築之

兩脇似有兩柴十字挿定心脇叫聲徹天召予診之

六脈沈伏乍來乍去衆問何如予曰夫九痛之脈亦

可準也但以證辨用藥觀其人質肥偉問其大腑數

日不通余曰實痛也其不必脹但以人按之痛甚手不可向適此大實也經云大滿大實者可下之用氣針九五六百粒是晚愈

又己未在金陵有家提幹巽內人病心脇脹痛衆醫投木香沈香檳榔大腹芍藥薑桂之類益甚召予診之六脈弦緊而和不似病脈但診之時兩手如火以此知其實痛也衆問如何治療僕曰大凡心腹刺痛不可便作虛冷治之有二醫答曰非冷即熱即生



風冷生氣是也予曰不然難經云虛則痒實則痛又仲景云腹痛者桂枝加芍藥湯痛甚者桂枝加大黃湯提幹曰荆布素弱予曰有可辨處遇痛時使一婢按之若痛止是虛寒證也按之轉甚手不可近此實痛也即令婢按之手不可近叫呼異常予曰此實熱無可疑者當用大柴胡湯治之衆不從予責狀而投之八服愈

論脇肋痛服木通散

亦可治  
男子

心下脇肋少腹疼痛皆素有積寒而溫暖湯散亦可主治甚者以溫藥下之心下與小腹痛諸書並有效方而脇肋下痛鮮獲治法

木通散 治脇肋苦痛因致攻心下脇肋并少腹牽引痛者皆主之

木通

去皮節

青皮

去白

川楝子

去皮核各一兩  
三味用巴豆半兩炒黃

以上

去巴豆  
不用

蘿蔔子

炒

舶上藿香

一兩  
炒

義茂

木香

滑石

各半兩

右為細末煎葱白酒調三錢一服愈甚者不過再服  
三腕散 治中焦虛痞兩脇氣痛面目手足浮腫大便  
秘澀兼治腳氣

大腹皮 紫蘇 沈香 乾木瓜 獨活

各一兩

白

朮 川芎 木香 甘草 陳皮 檳榔

各三分

右咬咀每服三錢水一盞煎至七分去滓空心熱服  
日中再服

戊午秋在京城有一婦人中焦虛痞腹膨脹痛大便

秘結六脈虛弱諸醫服藥無效予投此藥不終劑而愈

補遺局方青木香丸沈香降氣湯小烏沈湯四磨湯皆可用

左金丸

一名四金丸

治肝火胸脇脹痛或發寒熱或頭目

作痛或大便不實或小便淋秘或小腹疼痛及一切肝火之證

黃連

炒陸兩

吳茱萸

一兩湯煮片時用

右為末粥丸白米陳皮湯下

當歸龍薈丸 治肝經實火胸脇脹痛或大便秘結小

便澀滯凡屬肝經實火皆宜用之

當歸

龍膽草

炒

梔子仁

炒

黃連

炒

黃芩

炒各

一兩

大

黃

炒

蘆薈

青黛

各五錢

木香

二錢半

錢

右為末用神麴糊丸桐子大每服二十丸薑湯下

補肝散 治肝腎二經氣血虧損脇脹作痛或脇脹頭

暈寒熱發熱或遍身作痛經候不調

山茱萸肉

當歸

五味子

炒

山藥

黃芪

炒

川

芎

木瓜

各半兩

熟地黃

自製

白朮

炒各一錢

獨活

酸棗

仁

炒各四兩

右為末每服五錢棗水煎服

腰痛

藥隱老人論曰夫腎主于腰女人腎藏繫于胞絡若腎氣虛弱外感六淫內傷七情皆致腰痛古方亦有五種之說如風腰痛宜小續命湯加桃仁杜仲煎服脾胃氣

痞及寒濕腰痛宜五積散

雜病中寒

加桃仁如虛損及五種

腰痛服青娥丸

雜病腰痛

神應丸

同上

皆可用也如氣滯腰痛

服如神湯必效

薛陳無擇先生云若形體虛羸面色

黧黑腿足痿軟不能行立此失志所為也腹急脇脹目

視眈眈宗筋弛縱白淫下注此鬱結所為也肌肉不仁

飲食不化腸胃脹滿閉墜腰脇此憂患所為也皆屬內

若腰冷作痛身重不渴小便自利飲食如故因勞汗出

腰痿脇痛或墜墮血滯或房勞精竭皆屬不內外因也

竊謂前證失志腎虛熱者六味丸

雜病 虛勞

腎虛寒者八味

丸

雜病 虛勞

鬱怒傷肝實用龍膽瀉肝湯

雜病 淋

虛用六味丸

補肝散

雜病 腰痛

憂慮傷脾者歸脾湯

雜病 健忘

逍遙散調經腎著

者寒則朮附湯

雜病 陽濕

虛則腎著湯

同上

腰膝痛者寄生湯

養腎散

雜病 腰痛

瘀血滯者如神湯舒筋散房勞腰痛者青

娥九十補丸

見前 虛勞

一婦人腰痛三年矣每痛必面青

頭暈目緊余以為肝脾氣虛用補肝散而愈三年後因

勞役患頭痛魚惡心用補中益氣湯

雜病 傷勞倦

加茯苓半



夏蔓荊子而愈 一婦人苦腰痛數年不愈余用白朮一味大劑服不三月而痊乃胃氣虛閉之證故用白朮也

如神湯 治男子婦人氣虛腰痛

一方有杜仲無當歸

延胡索 當歸

去蘆 桂心 等分

右為細末每服三錢溫酒調下甚者不過數服

獨活寄生湯 夫腰痛者皆由腎氣虛弱臥冷濕地當風所得不時速治喜流入脚膝為偏枯冷痺緩弱疼

重或腰痛拘攣脚膝重痺宜急服之

獨活

三兩

桑寄生

續斷

杜仲

炒去絲

北細辛

川

牛膝

秦艽

茯苓

白芍藥

桂心

川芎

防風

人參

熟地黄

當歸

各二兩

右咬咀每服三錢水一盞煎至七分去滓溫服空心  
氣虛下利除地黄并治新產腹痛不得轉動及腰脚  
攣痛痺弱不得屈伸此藥最能除風消血肘後有附  
子故無寄生人參當歸粉草近人將治歷節風脚氣

流注亦效

舒筋散 治腰痛神效閃挫亦良

延胡索

炒

杜仲

黃汁炒

官桂

去粗皮

羌活

芍藥

各等分

右為末酒調下二錢

又方

橘核炒香研酒去粗下青木香丸

又方

天羅布瓜子仁炒焦搗酒熱服留查炒熱封痛處效

腰脚疼痛

夫腎主于腰脚女人腎臟繫于胞絡若勞傷腎氣虛弱而風冷客于胞絡邪氣與真氣交爭故令腰脚疼痛也治當以補元氣為主佐以祛邪之劑 薛前證若真陽

衰敗寒邪乘襲手足俱冷頭痛惡寒或嘔吐腹痛等證

宜用五積散

雜症中寒

若元氣虛弱渴熱所傷兩脰腫痛寒

熱身疼或嘔吐不食等證宜用檳蘇敗毒散

雜病傷濕

若脾

胃虛弱元氣下陷寒熱嘔吐發熱疼痛喘渴體倦等證

宜用補中益氣湯

雜病傷勞倦

若足三陰精血虧損陰火內

動內熱晡熱作渴痰甚小便頻數等證宜用六味地黃

丸

雜病虛勞

若足三陰陽氣虛敗惡寒發熱手足俱冷吐痰

不食二便滑數等證宜用八味地黃丸

雜病虛勞

一婦人

先腰膝作痛後兩腿亦痛余以為足三陰虛寒外邪所  
所用小續命湯及獨活寄生湯或作或止所用飲食極

熱腹中方快余曰邪氣去而元氣虛寒也診其脈果沈

細用養腎散

本條

漸愈又用十補丸

虛勞

而痊一婦人所

患同前但發熱作渴喜冷飲食脈洪數按之遲澀余以

為血虛有熱用羚羊角散

身體痛

去檳榔加白木茯苓數

劑更用加味逍遙散

結校

而瘥

一婦人患前證時或腿

膝作痛脈浮數按之遲緩此元氣虛而風濕所乘用獨

活寄生湯頓愈又用八珍湯而安 一婦人因怒患前

證寒熱往來口苦不食晡熱內熱余以為肝火血虛先

用小柴胡湯加山梔頓愈又用加味逍遙散而瘳 一

婦人患前證寒熱頭痛殊類傷寒此寒邪之證用檳蘇

敗毒散而安又用補中益氣調補而愈

虎骨丸 治婦人血風攻注腰脚骨節疼痛不可忍

虎脰骨

酥炙

敗龜

酥炙

檳榔

牛膝

酒浸各一兩

川大黃

炒

當歸

去蘆妙

木香

桃仁

浸炒

海桐皮

各七錢半

防風

去蘆又

附子

炮去皮臍

赤芍藥

桂心

血竭

沒藥

另研

地龍

去土炒

各半兩

右為細末煉蜜和搗三五百下丸如梧桐子大每服

三十丸空心食前溫酒下日二服

仙靈脾散 治婦人血風攻注腰脚疼痛

仙靈脾

桃仁

麩炒

檳榔

各一兩

羌活

去蘆

海桐皮

牛

膝

酒浸

當歸

去蘆炒

芎藭

骨碎補

延胡索

桂心

枳殼

去瓢麩炒

木香

菴闍子

各七錢半

蚬蛎

炒半兩

麝香

另研

二錢半

右為細末每服一錢食前用豆淋酒調下日進二服

藥本散

治婦人血風流注腰脚疼痛不可忍

藥本

去蘆土一兩半

狗脊

天麻

骨碎補

桂心

沒



藥

另研

血竭

研

蟬殼

微炒各一兩

虎脰骨

醋炙

敗龜

醋炙

穿山

申

各二兩醋炙

麝香

半兩另研

右為細末入麝香拌勻每服二錢生薑豆淋酒調下

空心食前日二服

取龜散 治婦人風毒流注腰脚疼痛行步艱難

取龜

酥炙

虎脰骨

酥炙各二兩

白殭蠶

炒

薏苡仁

當歸

去蘆 杜仲

剉炒去絲各一兩

地龍

炒去土

桂心

乳香

另研各二錢半

沒藥

半兩另研

右為細末每服二錢食前溫薄荷酒調下

骨碎補散 治婦人血風氣攻腰脚疼痛腹脇拘急並

宜服之

骨碎補

炒

萆薢

酒浸

牛膝

酒浸

桃仁

麩炒

海桐皮

當歸

去蘆

桂心

檳榔

各一兩

赤芍藥

附子

炮去皮臍

川芎

各七

錢半

枳殼

半兩

麩炒

右為咬咀每服五錢水一大盞半生薑三片棗一枚煎至一大盞去滓溫服

附子散 治婦人腰脚積年疼痛不瘥

附子

炮去  
皮臍

桂心

沒藥

另  
研

葳靈仙

乾漆

炒去  
烟

牛

膝

酒浸各  
一兩

右為細末每服二錢溫酒調下食前日進二服

養腎散 治腎經虛弱風寒所侵以致腰脚疼痛不能

步履

蒼朮

一  
兩

乾蝎

三  
錢

天麻

草烏頭

炮去  
皮尖

黑附子

炮去  
皮臍

各二  
錢

右為末每服一錢酒調服麻痺少時隨愈孕婦勿服  
此治風寒傷腎膀胱虛寒之良藥用之得宜殊有神  
效

臂痛

大夫婦人臂痛筋脈攣急不得屈伸遇寒則劇由肝虛為  
風寒邪氣流于血脈客于經絡搏于筋筋不榮則乾急  
而痛其脈緊細宜服柏子仁丸舒筋湯若臂痛不能舉  
或左或右時復轉移一臂由中腕伏痰脾氣滯而不行

上與氣相搏四肢皆屬于脾脾氣滯而氣不下上攻于  
臂故痛其脈沈細宜茯苓丸控涎丹 薛前證若肝血  
虛用加味道遙散中氣虛用補中益氣湯血氣俱虛用  
八珍湯風熱血燥用秦艽地黃湯脾腎虛寒用柏子仁  
丸脾胃實熱用茯苓丸水不能生木用六味丸道遙散  
怒動肝火用小柴胡加川芎當歸眩暈晡熱用四物柴  
梔丹皮晡熱月經不調用加味道遙散食少體倦無寐  
盜汗用加味歸脾湯 先太宜人徧身作痛筋骨尤甚

不能屈伸口乾目赤頭眩痰壅胸膈不利小便赤短夜間殊甚遍身作痒如蟲行此屬肝腎氣虛而熱也用六味地黃丸料加山梔柴胡而愈

柏子仁丸

指迷

柏子仁

乾地黃

各一兩  
白製

茯苓

枳殼

去穢  
麩炒

覆盆

子

炒

北五味子

炒

附子

炮

石斛

去根切  
酒蒸炒

鹿茸

炙

酸

棗仁

炒

桂心

沈香

黃芪

蜜炙

各一兩  
一方云等分

右為細末煉蜜為丸如梧桐子大空心酒下三十九

舒筋湯 治臂痛又名五痺湯亦治腰下疾

片子薑黃

四兩

甘草

羌活

各一兩

白朮

海桐皮

當歸 赤芍藥

各二兩

右為粗末每服三錢水一盞半煎七分去滓溫服如腰以下疾空心服腰以上疾食後服

伏苓丸

治臂痛不能舉手或左或右時復轉移由伏

痰在內中腕停滯脾氣不行上與氣搏四肢屬脾脾滯而氣不升故上行攻臂其脈沈細者是也後人謂

此臂痛乃痰證也用以治痰無不效者予嘗以此藥  
治人隨服隨愈世所謂痰藥多矣未有立效如茯苓  
九連也

茯苓

一兩

半夏

二兩

枳殼

半兩

去穢炒

風化朴硝

半兩

右為末薑汁煮糊丸如梧子大生薑湯下二十九食  
後服

控涎丹 凡人忽患臂背手足頸項腰胯隱痛不可忍  
連筋骨牽引鈞痛坐臥不寧時時走易不定俗醫不



曉謂之走疰便用藥及針灸皆無益又疑是風毒結聚欲為癰疽亂以藥貼亦非也此乃痰涎伏在心膈上下變為此疾或令人頭痛不可舉或神意昏倦多睡或飲食無味痰唾稠粘夜間喉中如鋸聲多流唾涎手脚重腿冷痺氣脈不通誤認為癰瘡亦非也凡有此疾但以此藥不過數服即愈

甘遂

去心

大戟

去皮

真白芥子

炒各等分

右為細末糊丸如梧桐子大臨臥淡薑湯下五七丸

如疾猛再加至十丸

白芥子散 治臂痛牽引背胛或輟或作由榮衛循行失度痰滯經絡或似癰瘰

真白芥子 木鼈子

各三兩  
麝炒

沒藥

另研

桂心

木香

各半兩

右為末每服一錢溫酒下 愚按前三方脾氣虛弱

者必佐以六君子湯中氣虛弱者必佐以補中益氣湯氣血虛者必佐以八珍湯脾氣鬱滯者必佐以歸

脾湯肝經怒氣者必佐以逍遙散若專用前方治之  
胃氣益虛病氣益甚不可不謹

流氣飲 治七情氣滯胸脇悶痞咽喉不利嘔喘面青  
二便不調或氣攻肩背脇肋作痛或脚氣喘急腹脹  
便閉元氣充實者宜用此藥慎之

紫蘇葉

黃芪

青皮

炒

當歸

半夏

薑製

烏藥

芍藥

炒

茯苓

桔梗

防風

各五錢

川芎

陳皮

各七

錢五

枳實

炒

木香

各二錢五分

甘草

炙一兩二錢半

大腹子

薑製

一兩

右每服半兩薑棗水煎服

四物湯 治血滯中風血虛手足不遂如臂痛加紅花煎

交加散加木瓜牛膝治冷痺肩臂作痛即人參敗毒和五積散

烏藥順氣散加羌活木瓜治外邪氣滯筋骨作痛或痰

氣不利

方見雜病中氣

秦艽地黃湯 治肝膽經風熱血燥肩臂疼痛或筋脈  
引急或時牽痛其內證發熱或寒熱晡熱月經不調  
或肢體酸痛等證

秦艽

熟地黃

自製

當歸

各一錢

川芎

芍藥

牡丹

皮

白朮

茯苓

各一錢五分

釣藤鈎

一錢

柴胡

甘草

炙各三分

右水煎服

脚氣

陳臨川云凡頭痛身熱肢節痛大便秘或嘔逆而脚屈弱者脚氣也輕者可與香蘇散加木瓜檳榔生薑煎服然後隨證治之要知有脚氣之人先從脚起或先緩弱疼痺或行起忽倒或兩脛腫滿或脚膝枯細或心中忪悸或小腹不仁皮頑不知疼痛或舉體轉筋或見食嘔逆惡聞食氣或胸滿氣急或遍體酸痛皆脚氣之候黃帝所謂緩風濕痺是也頑弱為緩風疼痛為濕痺寒中三陽所患必冷小續命湯主之

煎成入生薑自然汁最妙

暑中三陰所

患必熱小續命湯去附子減桂一半主之大煩躁者紫  
雪最良若無紫雪以自合薄荷煎冷水調服極妙大便  
秘者脾約丸麻仁丸三和散主之仍針灸為佳服補藥  
與湯淋洗皆醫家之大禁也 夫婦人脚氣與丈夫不  
同男子則腎臟虛弱為風濕所乘女子以胞絡氣虛為  
風毒所搏是以胞絡屬于腎也腎主于腰脚又肝脾腎  
三臟經絡起于足十趾若臟腑虛損則風邪先客于脚  
從下而上動于氣故名脚氣也此皆由體虛或當風取

涼或久坐卑濕或產後勞損或恚怒悲傷肝則心氣不足致月候不通因其虛傷風毒傳入筋骨則令皮膚不仁筋骨疼痛肢體不隨筋脈拘攣或時冷疼或發腫滿或兩脚痺弱或舉體轉筋目眩心煩見食嘔吐精神昏憤肢節煩疼小便赤黃大便秘澀如此證候其婦人腳氣療之與丈夫不同以其氣血不調胎妊產損傷之是以療寡婦及尼與妻妾殊別即其義也 薛嚴用和先生云前證初患不覺因他病乃發先從脚起或緩弱痺



痛不能行履或兩脛腫滿或足膝細小或心中怔忡或  
小腹不仁或舉體轉筋或見食作嘔或胸滿氣急遍體  
酸痛其脈浮而弦者因于風濡而弱者因于濕洪而數  
者因于熱遲而濇者因于寒男子由于腎氣虧損女子  
血海虛弱七情所致竊謂前證若足三陰虛弱用還少  
丹雜病 虛勞若脾氣虛寒用八味丸雜病 虛勞若飲食停滯臀腿  
痠脹浮腫作痛此脾氣下陷用六君子雜病 虛勞少加柴胡  
升麻不應須用八味丸若發熱口渴月經不調兩腿無

力此足三陰血虛火燥用六味八味二九兼服前證西  
方之人多患之因素食乳酪脾胃壅滯脰足腫滿至于  
南方亦有因膏粱厚味濕熱下注而患者故古人謂之  
瘧疾所用之方多疎通發散之劑然感于房勞過度虧  
損三陰治法又當以固本為主故六物附子為元氣虛  
弱寒邪內侵之聖藥

大腹皮散 治婦人風毒脚氣肢節煩疼心神昏悶並  
宜服之

大腹皮 桑白皮 木通去皮 羌活去蘆 赤芍藥 荊

芥 獨活去蘆 青橘皮去白 乾木瓜各一兩 枳殼去殼炒 紫

蘇葉各二兩

右咀咀每服八錢水一中盞半生薑五片蔥白七寸煎至一大盞去滓食前溫服

紫蘇飲 治婦人風毒脚氣心腹痞塞痰飲停積不思

飲食脚重虛腫

紫蘇葉 木通去皮 茴香 桑根白皮各一兩 獨活去蘆

羌活

去蘆

乾木瓜

青橘皮

去白

甘草

炙各半兩

大腹皮

半兩

枳殼

去瓢麩炒二兩

荊芥

半兩

右咬咀每服八錢水一大盞半生薑五片連鬚葱白

一莖煎至一大盞去滓溫服不拘時日進二服

四白散 治男子婦人血虛發熱夜多盜汗不進飲食

四肢羸瘦筋脈拘攣脚痛不能行立

黃芪

去蘆

厚朴

薑製

益智仁

去白

陳皮

去白

藿香

白扁豆

白朮

去蘆各一兩

白茯苓

去皮

白豆蔻仁

去皮

人參

去蘆

甘草

灸  
天台烏藥

各半兩

芍藥

一兩半

檀香

沉香

各二錢半

右為細末每服三錢水一盞生薑三片棗子一枚煎至七分和渣溫服日進二服諸證減退只有脚攣痛不能行服蒼朮丸治之

蒼朮丸 大治乾濕脚氣筋脈拘攣疼痛不能行履魚

補下部

乳香

另研

沒藥

各二錢另研

川牛膝

酒浸

青鹽

各半兩研

熟艾

四錢

米糲過  
研末

全蝎

一錢炒研

川烏頭

三錢炮去皮臍

右件為細末入研藥令勻用大木瓜一枚切一頭留作蓋去穰入上件藥于木瓜內將蓋簽定安于黑豆中蒸令極爛取出去皮連藥研成膏却入生蒼朮末不以多少拌令得所凡如梧桐子大每服五十丸空心用木瓜湯下或溫鹽酒亦得日進三服忌血與葱論並詳雜病本門

癰疹瘙痒

大夫婦人體虛為風邪氣客于皮膚復傷風寒所以即

發風瘙癢疹若赤疹者由寒濕客于肌中極熱結則成赤疹也得大熱則發取冷則瘥也白疹者由風氣客于肌中客熱與風相搏則成白疹也得天陰雨寒則發出風傷亦發得晴煖則減著衣煖亦瘥脈浮而洪浮即為風洪則為氣風氣相搏則生癰疹身體瘙癢凡人汗出不可當風露臥及浴後出早使人身振寒熱以生風疹也藥隱老人云治婦人遍身時發瘙癢或赤腫癰疹五心煩熱血風攻疰與人參荊芥散

虛勞血風

消風散

雜病

頭痛

四物湯

通治

加荊芥或人參當歸散或逍遙散兼服導

赤丸如不通者食後服皂角丸氣虛老人不可久服如服皂角丸不退者此凝滯熱甚者宜先服青木香丸三兩服以開氣道服蒺藜散立效 薛前證有身發疙瘡或如丹毒痒痛不常或膿水淋漓發熱煩渴或頭目昏眩日晡益甚或寒熱發熱月經不調皆肝經風熱血燥用加味逍遙散

調經

為主佐以四君芎歸若忿怒身發疙

瘡痛痒寒熱乃肝火血燥用加味小柴胡湯

熱入血室

氣血



俱虛用八珍加柴胡牡丹皮若夜間發熱作渴譫語乃  
熱入血室用小柴胡湯加生地黃血虛四物合小柴胡  
後用加味逍遙散調理若鬱結食少體倦內熱晡熱乃  
脾經血燥用加味歸脾湯寒熱加山梔熟地黃若遊走  
搔痒乃血風走注用何首烏散血虛逍遙散風熱消風  
散若專用風藥復傷陰血必致筋攣等證 一婦人身  
發疣瘡或如丹毒痒痛不常搔碎成瘡膿水淋漓發熱  
煩渴頭目眩暈日晡益甚此血虛內熱之證也以當歸

飲加柴胡山梔仁治之而愈 一婦人患前證肢體疼痛頭目不清自汗盜汗月水不調肚腹作痛食少倦怠先用人參荊芥散後用逍遙散治之而痊 一婦人因忿怒身發疣瘡憎寒發熱余謂肝火用小柴胡湯加山梔黃連治之而愈後口苦脇痛小便淋漓復用前藥全愈 一婦人患前證發熱夜間譫語此血分有熱以小柴胡湯加生地黃治之而安後用四物加柴胡山梔丹皮而熱退又用逍遙散全愈 一室女年十四歲天癸

未至身發赤斑痒痛左關脈弦數此因肝火血熱以小  
柴胡湯加山梔生地黃牡丹皮治之而愈若因怒而致  
者又當治以前藥

何首烏散 治婦人血風皮膚瘙癢心神煩悶及血風  
遊走不定並宜服之

何首烏 防風 白蒺藜 枳殼 天麻 殭蠶

胡麻 羌蔚子 蔓荊子

各等分

右為細末每服二錢煎茵陳湯調下無時

疥癬散 治婦人風瘙皮膚中如蟲行及生癰疹搔之  
作瘡面腫心煩並宜服之

白蒺藜

炒

莽草

炒

羚羊角屑

各七錢半

人參

去蘆

苦參

去蘆

蛇牀子

秦朮

去蘆

防風

去蘆

麻黃

去節

當歸

炒去蘆

甘草

炙

枳殼

麩炒去穰

細草

去苗各半兩

右咬咀每服五錢水一中盞半煎至一大盞去滓溫

服不拘時日進二服

治婦人風痒癰疹不瘥

蒼耳 花葉子

各等分

右為細末每服二錢豆淋酒調下不拘時候日進二服

治癰疹

右用白蜜不以多少好酒調下已試有驗

治皮膚有風熱遍身生癰疹

牛蒡子

水煮一兩淨  
晒乾炒令香

浮萍

蒸過焙  
乾等分

右為細末每服二錢薄荷湯調下日二服

又治風氣客于皮膚搔之不已

蟬蛻

洗

大葉薄荷

右等分為細末每服二三錢溫酒調下無時

又方

露蜂房

洗過蜜炙令焦

蛇蛻

洗炙令焦各等分

右為細末每服一二錢溫酒調下不拘時

治婦人風瘙癢身痒不止宜用淋漬方

馬蘭 芫蔚子 白礬 白蒺藜 茵芋 羊桃

根 凌霄花

各二錢

蒟蒻根

葶麻葉

各一兩

右吹咀以水二斗煮取一斗去渣于避風處洗之

又方

凌霄花

三兩


蒴藋根

半斤

右件藥以水七升煮取三升濾去滓入白礬末二兩攪勻以綿漬頻拭于疹上後煮槐柳湯浴之

又方

以醋漿水磨白礬塗之



證治準繩卷六十



# 欽定四庫全書

子部

證治準繩卷六十一

詳校官太醫院恩糧臣孔毓秀

編修臣倉聖脈覆勘

總校官進士臣

朱鈐

校對官中書臣

吳俊

謄錄監生臣

胡曉春

欽定四庫全書

證治準繩卷六十一

明 王肯堂 撰

女科

雜證門下

痰飲

大婦人風痰者由臟腑風冷水飲停積在於胃膈所成也人皆有痰少者不能為妨多者成患但胃膈有痰飲

停於胃中則令眼昏亦令頭眩頭痛者 藥隱老人評

曰夫痰之為害多因外感五邪

五邪者寒暑燥濕風也

內傷七氣

七氣者喜怒哀憂思驚恐恚也

因五邪而得者得風為風痰得寒為寒

痰得暑為暑痰因七氣所傷多因婦人情性執著不能  
容忍而有此證豈特只因風冷而成哉所以外感五邪  
內傷七氣則一身之中血液淚汗涕唾身中濕者敗濁  
變而成痰乘間而為害也經云清則運為精華濁則凝  
為痰飲此之謂也然有痰涎飲沫四種相類宜子細詳

辨調治因風而生痰者宜服三生飲

卒中暴厥

星香飲

雜病中風

青州白丸子

雜病中風

化痰丸

雜病痰飲

因寒冷而得者宜服降

氣湯

雜病氣

黑錫丹

雜病頭痛

養正丹

頭目眩暈

因熱而得者宜服

金沸草散

雜病咳嗽

柴胡半夏湯

本條

因暑而得者消暑丸

雜病傷暑

因氣滯不調鬱結而成者宜服參蘇飲

雜病發熱

四七

湯

雜病氣

二陳湯

雜病痰飲

痰在上者以瓜蒂散吐之在下者

以控涎丹

臂痛

利之雖曰可吐可下亦要觀人之盛衰察

脈之虛實方可投之切記不可猛吐暴下所以初虞世

有金虎碧霞之戒也

薛前證若肝經志怒用小柴胡

湯

傷寒少陽

肝經風熱用釣藤散

頭目眩暈

肝腎氣虛用川芎散

眩暈

脾經鬱結用濟生歸脾湯

雜病健忘

鬱怒傷肝脾用加味

逍遙散

調經

脾虛痰逆用白朮半夏天麻湯

雜病眩暈

脾氣虛

弱用六君子益氣湯肺氣鬱滯用二陳

雜病痰飲

貝母桔梗

陰虧水泛用六味地黃丸

雜病虛勞

腎虛陰火加減八味丸

雜病虛勞

腎虛火不歸源八味丸

雜病虛勞

仍與前證互相用之

一婦人內熱口乾勞則頭暈吐痰帶下或用化痰理

氣藥前證益盛肢體或麻又用祛風化痰藥肢體常麻  
手足或冷或熱此脾土不能生肺金也余用補中益氣  
湯加茯苓半夏炮薑二十餘劑漸愈又用加味逍遙散  
三十餘劑全愈後因怒吐痰胃痞或用清氣化痰丸食  
少痰甚胃膈脹滿脈或浮大或微細余以六君倍用參  
朮少加木香而康 一婦人咳嗽脇痛或用清肺化痰  
降火等劑久不愈更加內熱晡熱若兩脇或小腹內熱  
其咳益甚小便自遺余曰此屬肝經血虛火動用六味

九加五味子滋腎水以生肝血用補中益氣生脾土以  
滋肺金而尋愈

旋覆花湯 治婦人風痰嘔逆不下飲食頭目昏悶

旋覆花 枇杷葉去毛 川芎 細辛去苗 藿香 桂

心 枳殼去瓢 前胡去蘆 人參去蘆 半夏薑製各半兩 甘草

炙 羚羊角屑 赤茯苓 各七錢 羌活去蘆半兩

右咬咀每服五錢水一盞半生薑五片煎至一大盞

去滓溫服食遠日進二服

天南星丸 治婦人風痰心膈壅滯

天南星

薑製

白附子

炮

皂角仁

炒黃

半夏麴

各一兩

白礬

枯五錢

右為細末酒煮麵糊丸如梧桐子大每服二十九煎生薑薄荷湯送下食後臨卧日進二服

大半夏湯 治痰飲脾胃不和咳嗽嘔吐飲食不入

半夏 白茯苓 生薑

各二錢

右薑水煎服胃痞加陳皮四七湯亦善



導痰湯 治痰涎壅盛胸膈痞塞或咳嗽惡心飲食少

思

半夏

二錢

南星

枳實

炒

茯苓

橘紅

一錢

甘草

五分

右用薑十片水煎服

瓜蒂散 療病痰胸膈痞塞頭不痛項不強寸脈微浮

胸中痞鞭氣衝喉咽不得息者此為胸中有痰也當

吐之宜此法

方見關

柴胡半夏湯 治痰熱頭痛利膈除煩悶手足煩熱柴

衛不調肢節拘倦身體疼痛嗜卧少力飲食無味兼

治五嗽痰癖

柴胡八分半夏三兩人參去蘆甘草黃芩麥門冬

各二兩 白朮二兩

右㕮咀每服五錢水一盞半薑五片棗一枚煎至八

分去滓服

咳嗽

大婦人咳嗽者由肌體虛外受於寒熱風濕所得也肺  
為四臟之華蓋內統諸臟之氣外合于皮毛若為寒熱  
風濕所傷邪氣自皮毛而入於肺中外皆傷故令咳也  
大抵治咳不可一槩治當以脈息辨之其脈浮而弦者  
起于風濡而弱者起于濕洪而數者起于熱遲而澀者  
起于寒風者散之濕者燥之熱者涼之寒者溫之虛者  
補之未有不妥者也 薛丹溪云春是木氣上升夏是  
火氣炎上秋是濕熱傷肺冬是風寒外來當發散行痰

開腠理用二陳湯加麻黃桔梗杏仁痰飲隨證加藥勞嗽宜四物加竹瀝薑汁乾咳難治此證乃痰鬱火邪也用苦梗開之夏用補陰降火不已則成勞上半日多嗽者胃火也用貝母石膏午後嗽者陰虛也用四物加炒黑黃蘗知母黃昏嗽者火氣浮於肺也用五味子五倍子五更嗽者飲食之火流于肺也以貝母軟石膏肺脹而嗽或左或右不得眠此痰挾瘀血氣滯而病宜養血疎肝清痰用四物加桃仁訶子青皮竹瀝之類嗽而

脇下痛宜疎肝氣以青皮挾痰實者白芥子之類血礙  
氣作嗽者桃仁大黃薑汁丸服治嗽多用生薑以其辛  
散故也痰因火動逆上作嗽者先治火次治痰以知母  
止嗽清肺滋陰降火夜嗽用清陰分之劑若嗽多用粟  
穀不必疑但要去病根此乃收後藥也竊謂前證午前  
嗽屬胃火盛用竹葉石膏湯

傷寒瘧後病

胃氣虛用補中益

氣雜病傷勞倦

加炒山梔午後嗽屬陰血虛用四物黃蘗知

母

二味酒拌炒黑

腎水虛用六味地黃丸

雜病虛勞

黃昏嗽用四物

五味麥門并前九五更嗽用六君子

雜病虛勞

不得眠及兩

脇下痛用六味地黃補中益氣若因氣虛腠理不密六淫所浸當祛外邪而實脾土若因心火太過當伐肝木而滋肺金若肺金氣虛當補脾土而生肺氣若因腎水虧損虛火炎上當補肺腎以滋化源大抵風邪胃火此實熱為患易治惟肺腎虧損此真臟為患最難調理

一婦人素勤苦冬初咳嗽發熱吐血盜汗通身作痛或寒熱往來用化痰降火之藥口噤筋攣此血本虛而藥

復損之耳余用八味丸

雜病虛勞

為主佐以補中益氣麥門

五味山藥年餘而愈

一婦人咳嗽發熱嘔吐痰涎日

夜約五六碗喘咳胸痞燥渴不食崩血如涌此脾土虛

寒用八味丸用附子理中湯

雜病中寒

而愈 一婦人不得

於姑患嗽胸膈不利飲食無味此脾肺俱傷痰鬱於中

也先用歸脾湯

雜病健忘

加山梔撫芎貝母桔梗諸證漸愈

後以六君加芎歸桔梗間服全愈 一婦人咳嗽早間

吐痰甚多夜間喘急不寐余謂早間多痰乃脾虛飲食

所化夜間喘急乃肺虛陰火上衝用補中益氣加麥門  
五味而愈 一婦人患咳嗽脇痛發熱日晡益甚余曰  
此肝脾虛熱而傷肺也用加味逍遙散經調加熟地黃治

之而愈後因怒氣勞役前證仍作兼太陽痛或寒熱往  
來或咳嗽遺尿此肺氣虛而尿脬失制也仍用前散及  
地黃丸而瘥 一婦人久咳嗽面色痿黃或時晄白肢  
體倦怠飲食少思稍多則瀉此脾土虛而不能生肺金  
朝用補中益氣湯夕用六君子湯為主間佐以八珍湯



雜病  
虛勞

三月餘漸愈後感寒邪喘嗽胸腹作脹飲食不入  
四肢逆冷此中氣尚虛不能充皮毛肥腠理司開闔之  
所致也遂用六君加生薑桔梗而愈

初虞世曰經曰微寒為嗽寒甚為腸癖古人立方治嗽  
未有不本於溫藥如乾薑桂心細辛之屬以寒氣入裏  
非辛甘不能發散以此準之未有不因寒而嗽也又曰  
熱在上焦因欬為肺痿又實則為肺癰虛則為肺痿此  
人其始或血不足或酒色滋味太過或因服利藥重亡

津液燥氣內焚肺金受邪脈數發熱咳嗽膿血病至於  
此亦已危矣古人立方亦用溫藥如建中之屬今人但  
見寒熱咳嗽率用柴胡鼈甲門冬葶藶等藥旋踵受弊  
而不知非可為深戒就使不可進以溫藥亦須妙以湯  
丸委曲調治無為鹵莽致傷人命 薛丹溪云陰分嗽  
者多屬陰虛肺脹不得眠者難治肺痿專主補氣養血  
清金肺氣有餘者宜瀉之以桑白皮為主半夏茯苓佐  
之瀉其有餘補其不足肺燥者當潤之屬熱者大力子

桔梗知母雞子清聲啞者屬寒也細辛半夏生薑肺虛

者人參阿膠為主陰不足者六味地黃為要藥或知母

茯苓湯

雜病喘

陰虛氣喘四物加陳皮甘草以降其氣補

其陰竊謂前證嗽而鼻塞聲重風邪傷肺也用參蘇飲

雜病發熱

面赤喘嗽火尅肺也人參平肺散

雜病喘

寒熱交作

肝氣不和也四君加知母柴胡桔梗咳喘短氣肺虛也

人參補肺湯

喘滿

體倦少食脾虛也參朮補脾湯

本條

口乾

咽燥虛火上炎也六味丸大凡發熱喘嗽作咳唾膿血

飲食不入急補脾肺滋腎水多有得生者脈浮大而面色赤者皆難治脈浮短濇者可療

經曰感於寒微則為咳甚則為泄蓋肺主氣合于皮毛邪傷皮毛則咳為肺病傳於各臟以時受邪肺為嫩臟邪易傷而難治其嗽有肺心脾腎肝風寒支飲膽之十種亦有勞嗽者華陀謂之邪嗽孫真人謂之注嗽此因酒色過度勞傷肺經重者咯唾膿血輕者時發時瘥或先嘔血而後嗽或先咳嗽而吐血此又挾邪傳症孫真

人用通氣丸夢與鬼交用四滿丸蛤蚧天靈蓋桃柳枝  
安息香之類若肺中有蟲入喉痒嗽須以藥含化其蟲  
即死嗽即止 薛仲景先生云咳而兩脇痛不能轉側  
兩脇滿屬於肝臟用小柴胡湯咳而嘔苦水屬膽腑黃  
芩半夏生薑湯咳而喉中如梗狀甚則咽腫喉閉屬心  
臟桔梗湯咳而大便失氣屬小腸腑芍藥甘草湯咳而  
右脇痛陰引肩背甚則不可動動則咳劇屬脾臟升麻  
湯咳而嘔嘔甚則出長蟲屬胃腑烏梅丸咳而喘息有

聲甚則唾血屬肺臟升麻湯咳而失尿屬大腸腑麻黃  
附子細辛湯咳而遺溺屬膀胱茯苓半夏湯咳而不止  
三焦受之其狀腹滿不食涕唾面目浮腫氣逆異功散  
用之對證其效如神 一婦人患前證晡熱內熱寒熱  
往來作渴盜汗小便頻數其經兩三月一行此肝脾氣  
血虛損用八珍湯六味丸六十餘劑諸症漸愈其經兩  
月一行仍用前二藥間以加味逍遙散各三十餘劑後  
患怒適經行去血過多諸證悉至飲食少思腹脹氣促

用十全大補湯數劑漸愈仍用前藥調補漸安復因喪子胸腹不利食少內熱盜汗便血無寐用加味歸脾湯仍兼前藥而愈 一婦人患前證不時發熱或時寒熱或用清熱之劑其熱益甚盜汗口乾兩足如炙遍身皆熱昏憤如醉良久熱止方甦或晡熱至旦方止此陰血虛而陽氣弱也余朝用六味丸料夕用十全大補湯月餘諸證稍愈更兼以補中益氣湯兩月餘而愈

黃耆散 治虛中有熱咳嗽膿血口苦咽乾

黃耆

四兩

甘草

二兩

右為細末湯點一二錢服日三服一方甘草一兩

黃耆六兩名黃耆六一湯只呖咀水煎服

蛤蚧丸 治婦人咳嗽不止漸成勞氣

蛤蚧

一對酥炙

紫苑

款冬花

鼈甲

炙

貝母

去心

阜角

子仁

炒各一兩

杏仁

炒去皮尖一兩半

右為細末煉蜜丸如梧桐子大每服二十丸淡薑湯

吞下



含化丸 昔有婦人患肺熱久嗽身如炙肌瘦將成肺

勞服此安

冠宗  
爽方

枇杷葉去毛桑白皮 款冬花 木通 紫苑 杏

仁各等分 大黃減半

右為細末煉蜜丸如櫻桃大食後夜卧含化一丸

貝母湯本治諸嗽久不瘥

貝母生薑汁浸半日北五味子 黃芩 乾薑熱者減半陳皮

各一兩半夏 桑白皮 桂心 北柴胡各半兩熱者加一半

木香

甘草

各二錢半

右為粗末每服五錢水一盞半杏仁七枚去皮尖碎之生薑二片煎七分去滓熱服 黃師文云戊申冬有姓蔣者其妻積年嗽製此方授之一投而瘥以此治諸嗽悉皆愈

定喘湯 治丈夫婦人遠年近日肺氣咳嗽上氣喘急喉中涎聲胸滿氣逆坐卧不安飲食不下及治肺感寒邪咳嗽聲重語音不出鼻塞頭昏並皆治之

半夏麴

炒

阿膠

炒

甘草

各錢半

鴛粟殼

製半兩

北五味

子

桑白皮

麻黃

去節

人參

各二錢半

右㕮咀每服三大錢薑三片烏梅半箇水一盞半煎

至七分去滓漸漸溫服食後臨卧日二服

方同和劑分兩加減

不同有效

補肺湯

治證同前

滄州李官人宅又名清金湯

鴛粟殼

製二兩

人參

粉草

各半兩

陳皮

茯苓

杏

仁製

白朮

明阿膠

炒

北五味子

桑白皮

薏

苡仁 紫蘇莖

各一兩

右咬咀為末每服三大錢水一盞半薑三片棗二枚  
烏梅半箇煎至一盞臨卧溫服 更加百合貝母

半夏麴款冬花

各一兩

服之良驗

金不換散 治男子女人肺胃虛寒久嗽不已喘促滿  
悶咳嗽涎盛腹脇脹滿腰背倦痛或虛勞冷嗽唾紅  
痰及遠年近日一切喘咳諸藥不效者並治之

鴛粟殼

半兩製

杏仁

製

甘草

各三錢

枳殼

四錢

右呖咀每服三錢水一盞半薑三片烏梅半箇煎至  
八分食後臨卧漸漸熱服

許元林先生方乙卯年七月僕嘗治一婦人咳嗽不  
已服諸藥無效漸成癆瘵求予診之六脈濡弱以愚  
考之此是血弱又因憂感太過而成斯疾合用當歸  
等藥治之必愈遂先用古今錄驗橘皮湯空心服蘇  
子降氣湯徐用金釵煎熟地黃丸當歸丸調理得安  
又治一婦人時行感熱咳嗽遂用小柴胡湯去人

參薑棗只加北五味子煎服愈

古今錄驗橘皮湯 療春冬傷寒秋夏冷濕咳嗽喉中  
作聲上氣不得下頭痛方

陳橘皮 紫苑 麻黃去根 杏仁製 當歸 桂心

甘草 黃芩各等分

右㕮咀每服五錢水盞半煎至一盞去滓熱服

深師四潜丸 治上氣嗽飲燥冷嗽邪嗽謂之五嗽

乾薑炮 桂心 躑躅花 芎藭 紫苑各二兩 芫花

根皮

錢五

蜈蚣

一條去頭足炙

細辛

甘草

炙

鬼督郵

人

參半夏

湯洗各一兩

右為末煉蜜九大豆許每服五九米飲下日三服未

應加至七八丸

團魚丸

治骨蒸勞嗽累效

貝母

前胡

知母

杏仁

柴胡

各等分

生團魚

二箇

右藥與魚同煮熟取肉連汁食之將藥焙乾為末用

骨更煮汁一盞和藥丸梧子大每服二十九煎黃耆

六一湯空心送下病既安仍服黃耆六一湯調理

參朮調中湯 瀉熱補氣止嗽定喘和脾胃進飲食

黃耆

四分

桑白皮

五分

人參

炙甘草

青皮

白茯苓

苓

各三分

五味子

杵五分

白朮

三分

地骨皮

麥門冬

陳皮

各五分

右水煎服

喻化丸

方自製

治肺止嗽定喘化痰



薄荷葉

兩四

桑白皮

天門冬

心去

麥門冬

心去

知母皮

毛

百部

貝母

心去

柿霜

各二兩

枇杷葉

去毛

訶子肉

蜜炙

阿膠

橘紅

紫苑

款冬花

各一兩半

蘇蘇仁

油去

蘇蘇皮

黃芩

杏仁

炒去皮尖

油取淨霜

白茯苓

玄

明粉

鉛白霜

桔梗

各一兩

旋覆花

馬兜鈴

五味子

各七錢半

硼砂

五錢

冰片

一錢

非真者勿用

右為極細末梨膏為丸如無梨膏則以白蜜竹瀝梨汁熬至滴水不散為度丸如龍眼大噙化一丸

參耆補脾湯 治肺證因脾氣虛弱咳唾膿涎中滿不

食宜煎服此藥以補脾土生肺金

人參

白朮

各二錢

黃耆

各二錢半

茯苓

當歸

陳皮

各一錢

升麻

三分

五味子

四分

炙甘草

五分

右薑水煎服

喘滿

岐伯曰夜行則喘出於腎淫氣病肺有所墮恐喘出於肝淫氣害脾有所驚恐喘出於肺淫氣傷心度水跌仆

喘出於腎與骨當是之時勇者氣行則已怯者則著而為病也原疾之由皆本於肺與氣然感外邪則有太陽證脈浮無汗而喘者宜麻黃湯陽明病汗出不惡寒腹滿而喘有潮熱者宜承氣湯若表邪未解誤服下利藥利遂不止脈促喘而汗出者宜葛根黃芩黃連湯若微喘者桂枝厚朴杏子湯汗出而喘若無大熱者宜麻黃杏子甘草石膏湯若表邪未解心下停水發熱而喘或嘔者小青龍湯去麻黃加杏仁主之若陰證喘促者四

肢逆冷脈息沈細或寸大尺小或六脈促疾或心下脹滿結鞭若冷汗自出或大便頻數上氣喘促或咽喉不利者此是本氣極虛內外挾寒冷所致使陰氣內消陽氣得復則愈宜返陰丹主之

已上諸方並見傷寒準繩

大槩諸臟相

乘而喘者以杏子散

本條

如感寒伏熱而喘者以華蓋散

雜病嗽

九寶湯

雜病喘

若暴寒向火覆衣被過當傷熱肺實

而喘促者其狀多有熱證宜洗心散

雜病發熱

冷水調服若

因氣字不調痰盛喘促者宜四七湯

雜病氣

兼官局桔梗

湯

雜病痰飲

薑煎服若涎多而喘者宜干縉湯

雜病喘

橘皮半

夏湯

本條

若不得卧卧即喘者此由水氣逆行上乘於肺

肺得水則浮而開使氣不得通流其脈沈大宜神秘湯

雜病喘

肺之積名曰息賁在右脇下大如杯令人洒淅寒

熱喘咳發癰疽宜棗膏丸

本條

若上氣喘者神授湯

本條

若

上盛下弱而喘促者宜蘇子降氣湯

雜病氣

吞黑錫丹

雜病

頭痛若尊年之人素來稟賦太厚不任熱藥者不可輕投

丹劑及諸熱藥但以秘傳降氣湯分心氣飲

俱雜病氣

論之

梗槩不出於此矣若素有脚氣而喘者當作脚氣治之  
又有骨蒸勞喘自有專門不敢濫及 薛東垣云肺金

受邪由脾胃虛弱不能生肺乃所生受病故咳嗽氣短

氣上皮毛不能禦寒精神少而渴情慘不樂皆陽氣不

足陰氣有餘也治法若肺氣虛弱用四君子雜病虛勞加枳

殼半夏脾虛不能生肺補中益氣湯雜病勞倦七情氣結四

七湯雜病氣脾經鬱結歸脾湯雜病健忘脾氣虛弱人參補肺

散肺經火盛人參平肺散腎水敗濁六味地黃丸雜病虛勞

真陽虛損八味丸

虛勞

或兼小便不利為害尤速非二九

不能救

一婦人傷風寒作喘或用表散愈而復患仍

用前藥其證益甚飲食少思胸腹不利此因脾肺氣虛

也予先用六君子湯加桔梗漸愈又用補中益氣湯而

痊 一婦人患前證屬命門火虛不能生脾土用補中

益氣湯八味地黄丸而痊後復患其喘益甚用前藥不

應遂用黑錫丹二服喘止仍用前二藥而諸症痊凡屬

邪氣有餘者其證易識治效亦速其屬元氣不足者變

證不一效非可以旦夕期也

杏子散 治諸臟相乘喘急

杏仁

去皮尖雙仁麤炒黃細研如膏

麻黃根

為細末各等分

右和勻煎橘皮湯調下二錢無時

橘皮半夏湯

和劑

治肺胃虛弱好食酸冷寒痰停積嘔逆

惡心涎唾稠黏或積吐粥藥不下手足逆冷目眩身

重又治傷寒時氣欲吐不吐欲嘔不嘔昏憤悶亂或

飲酒過多中寒停飲喉中涎聲乾噦不止



陳皮

去白

半夏

煮各七兩

右剉為粗散每服三錢生薑三片水二盞煎至一盞去滓溫服不計時留兩服滓併一服再煎服

棗膏丸 治息責在右脇下大如杯令人灑淅寒熱喘

咳

甜葶藶

炒研

陳皮

苦梗

各等分

右為末煮棗肉丸桐子大每服數丸白湯下許學士云余嘗停飲水積食已必噎漸喘覺肺系急服此良

驗

神授湯 治上氣喘急不得卧

橘紅 苦梗 紫蘇 人參

各一錢

五味子

杵炒三分

右薑水煎服

治婦人喘促虛腫快利小便即瘥 用生薑二兩取汁  
白麵三兩以薑汁搜作小劑大半夏十箇打研入麵  
中作餅炙熟作黃色為末溫熱水調下一錢以小便  
通利為度

天門冬丸

楊氏家傳

治婦人喘手足煩熱骨蒸寢汗口乾引

飲面目浮腫

天門冬

十兩去心秤

麥門冬

去心八兩

生地黃

三斤取汁熬膏

右二味為末入地黃膏和丸如梧桐子大每服五十丸逍遙散中去甘草加人參煎湯送下或服王氏博濟方中人參荊芥散亦可如面腫不已經曰面腫曰風故宜汗麻黃桂枝可發其汗後服柴胡飲子去大黃故論曰治臟者治其俞治腑者治其合浮腫治其

經治俞者治其土也治合者亦治其土也如兵家圍  
魏救趙之法也

人參補肺湯 治肺癰腎水不足虛火上炎咳唾膿血  
發熱作渴小便不調

人參 黃耆炒 白朮 茯苓 陳皮 當歸各一錢

山茱萸去核 山藥各二錢 五味子杵 麥門冬去心 甘草炙各

七熟地黃自製一錢五分 牡丹皮一錢

右薑水煎服

人參平肺散 治心火剋肺金患肺痿咳嗽喘嘔痰涎壅盛胸膈痞滿咽膈不利

人參 青皮 茯苓 天門冬 陳皮 地骨皮

各一錢 甘草 炙五分 知母 七分 五味子 十粒 桑白皮 炒一錢

右薑水煎服

嘔吐

大夫婦人嘔吐者由脾胃有邪冷穀氣不理所為也胃為水穀之海其氣不調而有風冷乘之冷搏于胃胃氣

逆則令嘔吐也

夫嘔吐之疾非特脾胃虛冷而嘔吐

也亦有胃熱而嘔者亦有胃中冷胃口熱而吐者亦有痰盛而嘔者亦有血弱而嘔者經云無陰則嘔是也可以一槩用藥如胃冷而嘔吐宜用局方人參丁香散理中丸及許仁則半夏丸人參七味丸如胃熱而嘔吐者宜用小柴胡湯蘆根湯竹茹湯槐花散如胃中冷胃口熱而嘔吐者宜用局方藿香正氣散生薑棗子煎沈冷服即止如痰盛嘔吐者宜局方半夏湯茯苓湯二陳

湯如惡阻兼用茯苓丸自有專門如血不歸源而嘔吐

者用十全大補

雜病  
虛勞

加陳皮半夏藿香薑棗煎服或有

脚氣而嘔者自有專門不濫及

薛東垣先生云前證

內有故寒與新穀俱入于胃新故真邪相攻氣併相逆  
復出於胃故為噦補手太陰瀉足少陰又云胃因氣逆  
為噦夫嘔吐噦者俱屬於胃以其氣血多少為異耳如  
嘔者陽明也陽明多血多氣故有聲有物血氣俱病也  
仲景云嘔多雖有陽明證慎不可下孫真人云嘔家多

服生薑為嘔家之聖藥也氣逆者必散之故以生薑為主吐者太陽也太陽多血少氣故有物無聲為血病也有食入則吐以橘皮去白主之噦者少陽也多氣少血故有聲無物乃氣病也以薑製半夏為主若脾胃虛弱寒邪所客飲食所傷者用六君丁香藿香生薑之類若胃中有熱鬲上有痰用二陳山梔黃連生薑若久病胃虛嘔而不納穀者用生薑參朮黃耆香附之類亦有痰隔中焦食不得下者有氣逆而嘔者有氣鬱於胃口者



有食滯於心肺之分而復出者有胃口有火與痰而嘔者若注船大吐渴飲水者即死童便飲之最妙前論云血不歸源而嘔用十全大補湯誠發前人之未發愚常用屢效

此論與王安道洴洳集所論少異宜參看之

先太宜人飲食後聞

外言忤意嘔吐酸水內熱作渴惟飲冷水氣口脈大而無倫面色青赤此肝脾鬱火投之以藥入口即吐第三日吐宿食第七日吐酸黃水十一日吐苦水脈亦洪大仍喜飲冷以黃連煎湯冷飲少許至二十日加白朮茯苓

苓二十五日加陳皮三十七日加當歸炙草至六十日  
始進米飲半盞漸進薄粥調理得痊 府庠沈姬文母  
患脾虛中滿痰嗽發熱又食濕麵冷茶吞酸嘔吐絕食  
誤服苓連青皮等藥益加寒熱口乾流涎不收聞食則  
嘔數日矣迎治余曰脾主涎此脾虛不能約制也欲用  
人參安胃散惑于衆論以為胃經實火宿食治之病日  
增劇忽思冬瓜食如指甲一塊頓發嘔吐酸水不止仍  
服前藥愈劇復邀視之則神脫脈絕瀕死矣惟目睛尚

動余曰寒淫于內治以辛熱然藥不能下矣急用鹽艾  
附子炒熟熨臍腹以散寒回陽又以口氣補接母口之  
氣又以附子作餅熟貼臍間時許神氣少甦以參朮附  
子為末仍以是藥加陳皮煎膏為丸如粟米大入五七  
粒于口隨津液嚥下即不嘔二日後加至十粒諸病少  
退其涎不止五日後漸服前劑一二匙胃氣少復乃思  
粥飲後投以參朮等藥溫補脾胃五十餘劑而愈 孫  
一婦人三十五歲無子恐夫娶妾致鬱經不行者三月

矣病腹痛惡心諸醫皆云有孕其夫亦粗知醫舉家欣喜治以安胎行氣止痛之藥服三五十貼不效痛苦益甚凡未申時發寒熱腹中有塊如彈子大者二三十枚翻騰作痛行動則水聲漉漉痛極則吐酸水五六碗吐盡則塊息而寒熱除痛亦不作明日亦然又作瘧治轉劇召予診左手弦尺瀋右手濡弱重取則滑尺同左時經已五月不行矣予曰此鬱病也豈有瀋脈成孕之理若然則前藥當效矣其夫亦悟乃為製方以二陳加香

附山梔撫芎玄胡當歸紅花之類藥進而痛止連與四貼皆效但藥止則痛發如故調治一月不能除根予因持脈案見先師黃古潭先生先生乃諭予曰此鬱火病也其病起于肝膽蓋肝主謀慮膽主決斷謀不決則鬱生鬱生則木盛木盛則凌脾脾傷則不能運化精微而生氣血以故月水不來也肺金失于母養則降殺之令不行木寡于畏而侮所不勝是以直衝犯清道以作吐也吐後諸證皆減者木升而火息也為裁一方以黃耆

五錢柴胡三錢白芍藥二錢甘草一錢陳皮貝母枳實  
各五分薑三片一劑而寒熱除再劑而痛減吐止水聲  
亦絕七日不發其夫喜曰是何神速也乃拉予復請命  
于先生先生曰夫寒熱者少陽膽也吐酸者厥陰肝也  
痛而腹塊翻騰者火盛激動其水如鍋中湯滾泡浪沸  
騰是也吐多則肺金愈傷故用黃耆補肺金為君使得  
以制肝木以柴胡瀉肝為臣以升發其膽火經曰木鬱  
則達之達是通達之義夫木性上升者也既鬱則不升

故用柴胡升發膽肝之清氣使衝開其鬱結以復其常  
又曰過者折之以其畏也所謂瀉之補肺制肝正謂此  
也又曰泄其肝者緩其中以甘草緩中為佐又曰木位  
之主其瀉以酸以白芍藥于脾中瀉木為臣病久生鬱  
鬱久則生涎以貝母陳皮枳實開鬱逐涎為裨使然後  
金得其正木得其平土得其安由是病去而愈速前方  
用山梔黃連之類皆降下之藥火勢正熾豈區區寒涼  
所能抑哉故經曰輕者正治重則從其性而升之但凡

治病要當識得此意

益智子散 治婦人脾胃久虛氣弱多欲嘔吐全不下

食四肢無力

益智

一兩

附子

炮

縮砂仁

丁香

厚朴

黃耆

白朮

白茯苓

陳皮

川芎

良薑

藿香葉

當歸

各七錢半

人參

桂心

各半兩

右咬咀每服三錢薑三片棗一枚水一盞煎至七分

去滓無時溫服



丁香散 治婦人臟腑虛冷脾胃氣弱食則嘔吐水穀不消

丁香 白朮 縮砂仁 草果仁 橘皮

各七錢半

當

歸 白豆蔻 藿香葉 神麴 訶子皮 甘草

各半兩 人參

一兩

右為細末每服二三錢煎薑棗湯調下

竹茹湯 治胃熱嘔吐

乾葛

三兩半 夏

湯洗七次薑汁半盞漿水一升煮耗一半取七錢半

甘草

七錢半

右以咀每服五錢水二盞薑三片竹茹雞蛋大棗子  
一枚煎至一盞去滓溫服 許國士云胃熱者手足  
心熱政和中一宗人病傷寒得汗身涼數日後忽嘔  
吐藥與飲食俱不下醫者皆用丁香藿香滑石等藥  
下咽即吐予曰此正汗後飲熱留胃腕孫兆竹茹湯  
正相當爾亟治藥與之即時愈

良方槐花散

皁莢 白礬

槐花

炒令黃  
黑色

甘草

各等分

右為細末白湯調下二錢

許仁則半夏丸 療積冷在胃嘔逆不下食方

半夏

一升真熊州者洗去滑

小麥麴

一升

右搗半夏為散以水搜麴丸如彈子大以水煮令麴熟則是藥成初吞四五丸日二服稍加至十四五丸旋煮旋服此覺病減欲更合服亦佳忌羊肉錫

又依前半夏丸雖覺漸損然病根不除欲多合前丸又慮藥毒不可久服欲不服又恐病滋蔓宜合人參七

味丸服之

人參七味丸

人參

白朮

各五兩

厚朴

炙

細辛

各四兩

生薑

八兩

橘

皮

三兩桂心

二兩

右為細末煉蜜丸如梧桐子大飲下十九漸加至二十丸與半夏丸間服亦可忌桃李雀肉生蔥生菜

補遺治男子婦人一切嘔吐五苓散內除桂加半夏末如桂分兩每服一錢以生薑自然汁調搜和如麴候

半時久再以白沸湯一小盞調開溫服

五苓散方見傷寒準繩渴

門

青金丹 治一切嘔吐不已

硫黃

二錢 水銀二錢

入銚內慢火熬化以木篦子撥炒成砂再入乳鉢研黑不見星以薑汁糊丸如菉豆大每服二三十丸米飲下

人參安胃散 治脾胃虛熱嘔吐泄瀉或飲食不入

人參

錢一

黃耆

錢炒二

生甘草

各五

炙甘草

分

白芍藥

分

白芍藥

分

白芍藥

七分白茯苓

分

陳皮

分

黃連

分

炒二

分

白芍藥

分

白芍藥

分

白芍藥

# 右水煎服

## 霍亂

大嘔吐而利者名霍亂也原疾之由皆因腸胃虛冷飲食過度觸冒風冷使陰陽不和清濁相干致令揮霍變亂也或先心痛而吐者或先腹痛而利者或吐利俱作者或頭痛身體壯熱而脈浮洪者或陽氣暴絕而手足

逆冷而脈息微絕者治之當分陰陽察其虛實辨其冷熱觀其脈息熱者涼之冷者溫之以平為期百問云凡霍亂吐利熱多而渴者五苓散寒多不飲水者理中丸吐利已汗出而厥四肢拘急不解脈微欲絕者通脈四逆加豬膽汁湯夏月間中暑霍亂大煩渴四肢逆冷冷汗出脚轉筋者香薷散濃煎沈冷服即效

凡霍亂之脈得浮洪者易

治微遲者并短氣者難治

薛賈元良先生云暑者相火行令也夏

月人感之自口齒而入傷心胞絡之經其證頭疼口乾

面垢自汗倦怠少氣或背寒惡熱甚者迷悶不省或霍亂吐利嘔痰腹痛或下血發黃生癰等證治法清心火利小便為主若自汗熱甚用白虎湯若頭疼惡寒用十味香薷散泄瀉煩渴飲水吐逆用五苓散熱甚煩渴用益元散清之若表解裏熱甚者用黃連解毒湯脈微下利作渴喜溫或厥冷不省人事宜竹葉石膏湯加熟附半枚冷飲次以來復丹五苓散治之故東垣云脾胃虛弱遇夏月淫雨身重短氣甚則四肢痿軟脚軟眼黑當



滋肺氣以補水之源是以五月常服五味子人參麥門冬之劑為熱傷元氣故爾丹溪所謂夏月伏陰在內也蓋人之腹屬地已月六陽盡出于地之上矣是人之陽氣亦浮于肌表散于皮毛而腹中之陽虛矣又加以涼臺水館大扇風車寒泉水果冰涼之物自內及外不用溫熱病所由生陳無擇云凡中暍切不得用冷藥惟用溫養得冷即死道途無湯即以熱土熨臍中溺以熱尿即甦槩可見矣內經曰脈虛身熱得之傷暑難經曰傷

暑得之為正邪火自病也當惡臭其病身熱而煩心痛  
其脈浮大而散傷寒論曰太陽中暍者身熱頭痛而脈  
微弱或發熱惡寒而脈弦細訖遲大抵寒傷形熱傷氣  
蓋傷氣而不傷形則氣消而脈虛弱故先哲立法夏月  
而補良有以也前證若內有所積外有所感用二陳湯  
加減治之或蘿蔔子搗碎服而吐之若飲米湯即死云  
云同前論若轉筋不住男子以手挽陰女子以手牽乳  
近兩邊此千金妙法也乾霍亂不得升降死在須臾當

以鹽湯吐之後以二陳湯加川芎蒼朮防風白芷薑煎服若登圓而不通加枳殼若食瓜果飲冷乘風霍亂用六和湯倍加藿香大凡中暑而亡者皆因元氣虛弱暑熱乘之以致泄瀉陽氣暴脫實為陰寒之證宜急補其陽庶得保生緩則不救其他執為暑熱投以寒藥鮮不誤事愚故以回陽固本之方繼之於後

加減理中丸 主霍亂臨時方亦可治男子

人參 白朮 乾薑 甘草

各一兩

右為細末煉蜜為丸每兩作五丸取湯和一九服之  
日三服 吐多利少者取枳實三枚炙去穰四破水  
三升煮取一升和一九服之吐少利多者加乾薑一  
累 吐利乾嘔者取半夏半兩泡洗去滑水二升煮  
取一升和一九服 若體疼痛不可堪者取棗三枚  
水二升煮一升和一九服 吐利太極轉筋者以韭  
汁洗腹腎從胸至足踝勿逆即止 若體冷微汗腹  
中寒取附子一枚泡去皮四破以水二升煮取一升

和一丸服 吐利悉止脈不出體猶冷者可服諸湯補之

四順湯 治霍亂吐利腹痛手足逆冷脈微欲絕

附子一枚破 乾薑三兩 人參 甘草各一兩

右㕮咀水煎服

四逆加豬膽汁湯 治吐已下斷汗出而厥四肢拘急不解脈微欲絕者

甘草 乾薑三兩 附子一枚生用 豬膽汁半合

右三味咬咀每服五錢水三盞煮至二盞去滓內猪  
膽汁分二次溫服其脈即來

香薷散 治臟腑冷熱不調飲食不節或食腥膾生冷  
過度或起居不節或露卧濕地或當風取涼而風冷  
之氣歸於三焦傳於脾胃脾胃得冷不能消化水穀  
致令真邪相干腸胃虛弱因飲食變亂于腸胃之間  
便致吐利心腹疼痛霍亂氣逆有先心痛而吐者或  
先腹痛而利者有吐利俱發者有發熱頭痛體疼而

後吐利虛煩者或但吐利心腹刺痛者或轉筋拘急  
疼痛者或但嘔而無物出者或四肢逆冷脈微欲絕  
者或煩悶昏塞欲死者姓婦霍亂吐利此藥悉能主  
之

香薷葉

四兩

白扁豆

厚朴

各二兩

右咬咀每服半兩水一大盞酒一分漫火濃煎至六  
分去滓井中浸令冰冷頓服無時候連併二三服立

見神效

蘇沈良方中名香薷散  
百問同有黃連無匾豆

訶子散 治老幼霍亂吐利一服取效又治九種心痛  
及心脾冷痛不可忍

訶子皮 甘草 厚朴 乾薑 草果仁 陳皮

良薑 茯苓 神麴 麥門冬

各等分

右為細末每服二錢候發刺痛不可忍用水一盞煎  
七分入鹽服急則鹽點

胡椒湯 治霍亂吐利甚妙

胡椒

四十粒 菜豆 一百四十粒



右為細末每服二錢木瓜煎湯調下

補遺凡霍亂身熱脈浮洪而渴者此必胃有熱宜竹茹湯吐止然後以五苓散不換金正氣散六和湯等治之或若陽氣暴絕四肢逆冷脈微欲絕可用理中湯理中丸治中湯之類甚者加附子如中暑霍亂吐利當以香薷散入半夏少許用生薑自然汁搜藥劑入銅銚炒乾再入好紅麴酒又搜潤藥又炒乾却入水一盞半煎七分去滓井中浸冷服效

翻胃吐食

薛病機云吐有三曰氣積寒也皆從三焦論之上焦吐者從於氣氣者天之陽也其脈浮而洪食已暴吐渴欲飲水大便燥結氣上衝胸發痛其治法當降氣和中中焦吐者從於積有陰有陽食與氣相假為積而痛其脈浮而匿其證或先痛而後吐或吐而後作痛治法當以小毒藥去其積檳榔木香行其氣下焦吐者從於寒地之道也其脈沈而遲其證朝食暮吐暮食朝吐小便清

大便秘而不通治法當以毒藥通其秘塞溫其寒氣大便漸通復以中焦藥和之不令大便秘結而自愈也王太僕曰食不得入是有火也食入反出是無火也又發明曰噎者六腑之所主陽也氣也塞者五臟之所主陰也血也二者皆由陰中伏火而作也劉宗厚先生曰若三焦傳化失常所致主于氣也若血虧胃腕乾稿所致因於血也塞猶填塞不通之義故發明有治幽門不通噎塞不便通幽湯例蓋陽無陰不能通化陰之失位而

陽伏其中傳化不變而反上行矣故前證或由飲食起

居七情虧損胃氣痰飲停滯中氣不運當以補中益氣

湯雜病勞倦為主若鬱結傷脾用歸脾湯雜病健忘加枳殼桔梗

若恚怒傷肝用小柴胡湯傷寒少陽加梔苓參朮脾氣虛弱

用六君子雜病虛勞加山梔枳殼氣血俱虛用八珍湯即雜病八

湯加山梔半夏若用行氣之藥胸膈痞悶用六君芎歸

之類若過用香燥之劑而大便結燥用四物通治參朮之

類若飲食不能入用六君山梔吳茱萸治黃連若食入

而反出用六君炮薑白豆蔻黃連製吳茱萸若痰滯而食反出六君枳殼桔梗若飲食少思大便不實胸膈痞悶吞酸噯腐食反不化是為脾胃虛寒用東垣補真丸或八味丸

雜病虛勞

若發熱煩熱身惡風寒腹畏熱食或手

足俱冷胸滿腹脹是內真寒外假熱用神效附子丸

本條

或八味丸大凡嘔吐善食喜飲冷水是為有火嘔吐少

食喜飲熱湯是為無火當審其因而治之一婦人患

前證胸腹痞悶得去後或泄氣稍寬余曰此屬脾氣鬱

結而虛弱也當調補為善不信乃別用二陳枳實黃連之類不應又用香燥破氣前症益甚形氣愈虛余用加味歸脾湯

即本方加山梔柴胡

調理半載而痊 一婦人患前證

胸脇脹悶或小腹不利或時作痛小便瀉滯余曰此肝火血虛也當清肝火生肝血養脾土生肺金以余言為迂別服利氣化痰等劑前證益劇虛證蠱起余用加味逍遙散

調經

加味歸脾湯兼服尋愈 一婦人患吐痰甚多手足常冷飲食少思余曰此肝脾鬱怒兼命門火衰

不信另服化痰利氣之劑胸腹愈脹又服峻利疎導之劑余曰非其治也必變脾虛發腫之證急服金匱加減腎氣丸庶有可救不信反服沈香化氣等丸果發腫而歿

白礬散 治婦人翻胃吐食千金翼云不特治婦人男子亦可服一斤以上為妙

白礬土 以米醋一升煨土令赤入醋內浸令冷再煨再浸以醋乾為度取一兩研 乾薑

炮二錢半

右為細末每服一錢米飲調下甚者二錢

白芷散 治婦人翻胃吐食

右用白芷一兩切作片瓦上炒令黃為細末用猪血二十文切片以沸湯泡七次將血蘸藥喫七片如剩藥末留後次用

太倉丸 治脾胃虛弱不進飲食反胃嘔吐

白豆蔻 縮砂仁 各二兩 丁香 一兩 陳倉米 一升用黃土炒未赤

去土不用



右為細末薑汁法丸梧子大每服六七十丸食後淡薑湯下

青金丹 治嘔吐反胃等證每用三十九煎生薑陳皮

湯吞下

方見前  
嘔吐

五苓散 治反胃發渴加半夏每四錢生薑五片煎溫

服

方見傷  
寒渴

東垣補真丸

肉蓯蓉

酒浸  
焙

葫蘆巴

炒

附子

泡去  
皮

陽起石

煨

肉豆

菟絲子麵裹淨洗酒浸蒸川烏炮去皮沈香 五味子

各五錢 鹿茸酒浸炒巴戟去心鍾乳粉各一兩

右為細末用羊腰子兩對治如食法蔥椒酒煮搗爛入酒糊丸如梧子大每服七十九空心米飲鹽湯任下

神效附子丸 治脾腎虛寒嘔吐或反胃膈噎

黑附子重一兩四五錢端正底平尖圓一枚灰火炮皮裂入生薑自然汁內浸潤晒乾仍炮再入汁浸潤

仍晒再炮用盡薑汁半碗為度却去皮臍末之以人參膏和丸如黍米大每服數丸津唾嚥下胃氣稍復飲食稍進投以溫補之劑

血隔

薛婦人血隔若氣逆而血滯用流氣飲

病臂

若恚怒而血

逆用小柴胡湯

傷寒少陽

加山梔丹皮血虛用四物湯

通參治

朮柴胡山梔丹皮若鬱結而血傷用加味歸脾

即歸脾加山梔

皮兼加味逍遙

結核

脾虛不能生血用六君子

雜病虛勞

加歸

芎藭胃虛不能生血用補中益氣湯

雜病勞倦

若肝虛而不能

藏血用補肝散

兩脇脹痛

如不應兼以六味丸

雜病虛勞

若因脾

肺虛用補中益氣湯如不應用六君子加芎歸 一婦

人患前證胸膈痞悶余曰此屬脾經血虛遂用四君加

芎歸調補脾氣尋愈又因怒兼兩脇痞悶頭目不清月

經旬餘未竭用加味逍遙散加釣藤治之復瘥 一婦

人患前證胸膈作痛面青目劓小便頻數或時寒熱此

肝氣滯而血凝先用失笑散二服痛止又用加味逍遙

散而愈 一婦人所患同前泛用行氣破血之劑以致不起

牡丹煎 治婦人血膈

牡丹皮 苦參 貝母去心 玄胡索 白芍藥各等分

細末

煉蜜丸梧子大每服十五二十九丸米飲吞下無時

抽刀散 治婦人血風血氣血膈等候

方見血崩

鼻衄

大夫婦人鼻衄者由傷動血氣所致也凡血氣調和則循環表裏經絡澀則不散若勞傷損動因而生熱氣逆流溢入於鼻者則成鼻衄也只有產後見衄者不可治凡鼻衄雖多因熱而得此疾亦有因怒氣而得之者曾治趙恭人鼻衄不止諸治不痊召予治之先用蘇合香丸四粒次用五苓散濃煎白茅花湯調服即止次用芎歸湯調理又有一富室男子鼻衄不止六脈洪數究竟云服丹藥太過遂用黃連黃芩大黃為末水煎服之

愈

調服亦可

薛前證若熱鬱於胃經用犀角地黄湯若伏

暑於內用黃連香薷飲若大怒血蓄於上用小柴胡湯

若脾損不能攝血歸源用歸脾湯大凡雜證見血多因

陰分鬱熱或內有所傷皆屬五志所動經曰諸見血身

熱脈大者難治是火邪勝也身涼脈靜者易治是正氣

復也仍與後證同用 一婦人經素不調因怒衄血此

肝火熾盛用加味小柴胡

熱入血室

加紅花二劑血止又用

加味逍遙散

結核

八珍湯

即八物湯  
雜病虛勞

兼服三十餘劑經行

如期 一婦人鬱結而患前證用加味歸脾湯

即歸脾加山梔

丹其血漸止飲食漸進用加味逍遙散元氣漸復寒熱

漸止後因怒仍衄寒熱往來用小柴胡湯

傷寒少陽

加芍歸

丹皮而愈 一婦人因勞衄血服涼血之劑更致使血

或以血下為順仍用治血余曰此因脾氣下陷而血從

之當升補脾氣庶使血歸其經不信果血益甚余朝用

補中益氣

雜病勞倦

夕用加味歸脾而愈此證用寒涼止血

不補脾肺而死者多矣



刺薊散 治婦人鼻衄血流不止

刺薊

二兩

桑耳

亂髮灰

艾葉

各一兩

炒

生地黄

二兩

蒲

黃

一兩半

右為細末每服二錢粥飲調下無時

伏龍肝散

治男子婦人五臟結熱吐血衄血並皆治

之

伏龍肝

生地黄

各一斤

竹茹

一升

芍藥

黃芩

當

歸川芎

桂心

甘草

各二兩

右咬咀以水一斗三升煮竹茹減三升內藥煮取三升分為三服千金方無桂心

百問有茅花湯以白茅花濃煎飲之立止

一方擣生白茅根取汁一合飲之止

又方 取生蔥心塞鼻中即定若因刺著并刀斧所傷血不止者並用之立定

又方 取釜底墨細研入鼻中

又方 取亂髮灰細研以竹管吹入鼻中立止

又方 取龍骨為末吹入鼻中立止

四物湯加側柏生地黃治虛熱吐血甚效若脾經血虛須用四君加芎歸若脾經氣鬱須用歸脾湯若肝腎虧損須用六味丸若氣血俱虛須用十全大補湯犀角地黃湯主熱鬱不解泛行經絡或流腸胃隨氣涌泄以致衄血吐血或為便血並皆治之若實熱熾甚加炒黃芩若去血過多或脾肺之氣虧損不能攝血歸源者急用四君子湯懷抱鬱結者用歸脾湯

枇杷葉散 治暑毒攻心衄血嘔血或吐瀉作渴黃連  
香薷飲亦可

吐血

大婦人吐血者皆由臟腑傷損所致夫血者外行於經  
絡內榮於臟腑若傷損氣血經絡則血虛行失於常理  
氣逆者吐血又吐則氣逆甚則嘔血然憂思驚恐內傷  
氣逆上者皆吐血也 薛前證若脾經鬱熱用犀角地

黃湯脾胃伏暑用黃連香薷飲

雜病傷暑

心脾鬱熱用生地

黃湯心氣耗損用茯苓補心湯肺氣勞傷用雞蘇散思

慮傷脾用歸脾湯

雜病健忘

暴怒肝火用加味小柴胡湯

入熱

血久怒肝傷六味地黃丸

雜病虛勞

脾肺虛熱用麥門冬飲

肝腎虛熱用六味地黃丸氣血俱虛用十全大補湯經

云肺朝百脈之氣肝統諸經之血必用甘溫之劑補其

陽氣使血各歸其經如大吐血病母論其脈急用獨參

湯救之若潮熱咳嗽而脈數者元氣虛而假熱之脈也

皆由脾胃先損須用人參之類本草云人參治脾胃不

足補中溫中瀉脾肺中火東垣先生云脾胃虛者心火亢甚而乘土位肺氣受邪須用黃耆最多人參甘草次之脾胃一虛肺氣先絕故用黃耆以益皮毛而閉腠理嘗治氣血虛弱用十全大補最善若用寒涼止血胃氣反傷無不致禍 一老婦每作先飲食不進或胸膈不利或中脘作痛或大便作瀉或小便不利余以為肝脾之證用逍遙散加山梔茯苓神遠志木香而愈後鬱結吐紫血每作先倦怠煩熱以前藥加炒黑黃連三分吳茱

黃二分頓愈復因怒吐赤血甚多燥渴垂死此血脫也  
法當補氣乃用人參一兩苓朮當歸各三錢陳皮炮黑  
乾薑各二錢炙甘草木香各一錢一劑頓止又用加味  
歸脾湯調理而痊 一女子懷抱素鬱胸滿食少吐血  
面赤用六味丸及歸脾加山梔貝母芍藥而愈 一婦  
人為哭母吐血咳嗽發熱盜汗經水不行此悲傷肺思  
傷脾朝服補中益氣湯雜病勞倦加桔梗貝母知母夕用歸  
脾湯吞六味丸而愈

雞蘇散 治婦人吐血心煩昏悶

雞蘇葉

一兩

阿膠

刺薊

生地黄

各一兩

黃耆

麝

羊角屑

茜根

甘草

各半兩

麥門冬

黃芩

當

歸

伏龍肝

各七錢半

右為粗末每服四錢水一盞薑三片竹茹半雞子大煎至六分去滓溫服

又方 治婦人虛損氣逆吐血不止

雞蘇葉

黃芩

各一兩

當歸

赤芍藥

各半兩

伏龍肝



阿膠各二兩

右為粗末每服四錢水一盞煎六分去滓溫服

又方 治婦人熱毒上攻吐血不止

生藕汁

刺薊汁

生地黃汁

各三兩

生薑汁

半兩

白

蜜一合

右和煎三兩沸以小盞調炒麵一錢服無時

千金翼治吐血百方不瘥療十瘥神驗不傳方

詳此藥性

治熱毒吐血有效

地黃汁半升生大黃末一方寸七

右煎地黃汁三兩沸調大黃末令勻分為三服

又方 伏龍肝研極細每服二錢新汲水調下頻服取效

又方 白茅根一握長六寸以水一大盞煎七分去滓服

又方 桂心為末水調方寸匕日夜可二十服

又方

生地黃

三升切

阿膠

二兩炒

蒲黃

六合

以水五升煮取三升分三服 予嘗治一人吐血診其脈肝部弦氣口濡此因怒極而得之遂用蘇合香丸和雞蘇丸服即效養生必用方云凡吐血須煎乾薑甘草湯與服或四物理中湯亦可如此無不效者服生地黃竹茹藕汁去生便遠

柔脾湯

治虛勞吐血衄血下白汗出方

出養生必用

甘草

白芍藥

黃耆

各一兩

熟地黃

三兩

右為末每服四錢水酒各一盞已上煎至七分去滓  
取清汁六分食前溫服 予嘗治一女年十九歲  
月經不行以藥通之遂妄行而嘔血諸藥不效察其  
人肥脈不大不小投以四生丸即安 又治一男子  
因飽低頭負重吐血諸藥無效亦投四生丸及青餅  
子即安更不發嘗觀初虞世治吐血不喜用竹茹生  
地黃藕汁然亦不可拘泥此說如陽乘于陰血得熱  
則流散經水沸溢宜服涼藥以解之大黃犀角生地

黃生艾藕汁等豈得無效若陰乘於陽所謂天寒地凍水凝成冰宜服溫藥以煖之乾薑肉桂豈能無功學者更宜思之

四生丸 療吐血凡吐血衄血陽乘于陰血熱妄行宜服此藥

生荷葉 生艾葉 生柏葉 生地黃

各等分

右爛研丸如雞子大每服一九水三盞煎至一盞去滓溫服無時候 陳日華云先公紹興初遊福溝靈

石寺主僧留飯食將竟侍者赴堂齋罷來侍立見桌  
子不穩急罄折穩之舉首即嘔血蓋食飽拗傷肺也  
明年再到寺問舊年嘔血者無恙否主僧云得四生  
丸服之愈自得此方屢施有驗 薛愚意前證乃出  
熱暴患用之有  
效若人病久本原不足須補脾以滋化  
源否則虛火上炎金反受剋獲生鮮矣  
療熱甚嘔血者以犀角地黄湯局方小三黃湯以白茅  
根煎濃湯飲之極妙

犀角地黄湯 治內有瘀血鼻衄吐血面黃大便黑

芍藥

七錢半

生地黄

半斤

牡丹皮

去心淨

犀角屑

一兩如無

以川升  
麻代

右吹咀每服五錢水煎服有熱如狂者加黃芩二兩

青餅子 治咯血

青黛 杏仁

各一兩華陀方以牡蠣粉炒杏仁去皮尖牡蠣不用

右一處同研成膏鎔黃蠟和作三十餅子每服一餅

子用乾柿半箇夾定以濕紙裹煨令香同嚼粥飲下

乾薑甘草湯 若陰乘於陽以肺經寒而嘔血者宜服

甘草 乾薑

各半兩

右㕮咀水煮頓服 局方理中湯亦妙

花藥石散 予嘗見一婦人苦此疾百藥不效以童子

小便和酒調下真花藥石散不數服而愈

烏金散 治吐血不已每服二錢米飲下

即催生如神散方見後

濟生雞蘇散 治勞傷肺經唾中有血咽喉不利

雞蘇葉

黃耆

炒

生地黄

阿膠

炒

貝母

白茅

根各一錢

桔梗

炒

麥門冬

去心

蒲黃

炒

甘草

炙各五分



右薑水煎服

生地黄散 治鬱熱衄血咯血吐血陰虛而不能愈者

枸杞子 柴胡 黃連炒 地骨皮 天門冬去心 白

芍藥 甘草炒 黃芩炒 黃耆炒 生地黃 熟地黃

自製各  
五分

右水煎服 下血加地榆

三因茯苓補心湯 治面色黃悴五心煩熱咳嗽吐血

半夏 前胡 紫蘇 茯苓 人參 枳殼麩炒 桔

梗炒甘草炒乾葛各五分當歸川芎陳皮白

芍藥各一錢熟地黄自製一錢半

右薑棗水煎服

麥門冬飲子 治氣虛吐血或氣虛不能攝血

五味子十箇并麥門冬去心黃耆炒各一錢當歸身人參

生地黄各五分

右水煎服

十全大補湯 治胃氣虛弱吐血衄血便血不止以致

外症惡寒發熱自汗盜汗食少體倦或寒熱作渴頭  
疼眩暈而似中風或氣血俱虛胸腹脇痛或骨節作  
痛經候不調或寒熱往來發熱晡熱或五心發熱咽  
乾舌燥或痰嗽喘促胸膈虛痞或嘔吐泄瀉手足冷

熱等證

方見雜病  
虛勞門

證治準繩卷六十一